

Romamu Vichavamyujura Catera

Pávurubay nuyadara catera rijyu Róma janvayedabay, Jesúsmu tuvachuvay, samuchuveda variryi

¹ Ray, Pávuru, Jesucrístu muchechiy, jiryatiy sanatuyadeda yinsubiyiju ray. Sabamya Judenu ray ratidye datyanunumayara samituchoda saniquejadamu. ² Daryantye suteda tariy jiyu tuchuvabe jtosintyi, riñuyada variy catera padyevyantirya. ³ Satuchoda jasiy sanchiy jidyenu: Ninj sacha nijyamidenu, curaca Davyíbe judevay tenu. ⁴ Jadchintyi sadyadoda Judenu sitenu jidyenu dañi jiryatiy samisadeda yintuta diibymusiñi, ramunitiy vudyetyasara sitenu Judenu denu dañi Vuyntyityu Jesucrístu day. ⁵⁻⁶ Simusiñi jita nuñimutyajadara jantyutyada, satidye bay yinsubiyimijyu nuy, nuñatidye tuvachutaniy variryi titaju nijyanvay Jesús jtyamu, riryatidye jchanatya variñi. Jirye jita simu tuvachuvay tevadye, jiryatiy sanatuy Judenu Jesucrístu jsaju jiryedye. ⁷ Ratyuchu cateramusiy jiryiva titaju jiryatiy Rómamu vichavay jiryedye. Judenu vatasavay jiryevyichasara jiryatiy jiryeñicha jaryetasavay yitedamuju jiyu day. Sajantyutya Vujye Judenu variy jirye, Vuyntyityu Jesucrístu jarye, samirya racha jiryejechiy variy.

Pávurubay jañuryuyada ramu Róma

8 Ramutiy rīchanatya tītaju jiryeyjuni Rindenu, Jesucristu jtyamu, jiryatiy ratiche tītaju mucadiva, jiryatiy jiryetyuvachoda simu Judenu. 9 Judenu jita datya rajechipiya jiñijyu tītaju rajechitya, ratyuchusara varirya samituchoda sadenu nichiy. Nini datya ne rapyaruy riva jachipiyajada jiryenijyu, ratyuchunumaty sisa. 10 Rajechiñūchara siva randyetya jutī pariche jiryimu, sititaniryuy dyetya jiryimu darye. 11 Tapi radyiryuy daryaju jaryi jiryiva, ratidye say varirya tara Judenu Jnutumusiy, jiryechiy vanūyadajuyu. 12 Ritatye vuryanirutyaniy vichada samirya vuy, jiryatiy vutyuvachu jidchavu simu Jesús. 13 Ray vata jiryadatya ne vanay riniy. Tariñuma rañi jachuta jiryimuju, ne vanay nta riniñūchiy jiryimuju (jaryi jvaayadatī ravyichanūchiy daryaju.) Ritiruy jiryimu jiryatidye tuvachu nuñi jirye ramu Judenu niquejada, nūtyu rityuvachusara ratarya nijyanvay ramuntidye. 14 Rayaryamu day radyetyanunumayajada riy, daryaday mamyintyi, daryaday nijyanvantiy, daryaday munūñumintyi, daryaday datyavantiy, daryaday datyisamintyi. 15 Ramunīty ravyatadamu ratyuchuruy jiryivantirya samituchodantiy, jiryatiy Rómamu vichavay jiryedye.

Judenu ray vuryeyada samituchodamuju

16-17 Ne radaruy riva samituchoda tuchusada, Judenu jnutyadeda daryaju rata vuy, satidye ray variy vuryeyada vuryitiy tuvachu simu, Judíyuedaju munatya, tītaju nijyanvajyu jarye, jiryatimyu ne Judíyueda

daryi, tapi samituchodamu sadyanusera Judenura nutyuramusiy sajtay samivye vutyuvachodamuju vuy. Varityi vutyuvachu simu, rajasay jita tuvachoda variy vujyuntiy. Daryaday ranicha nucharantiy: Jiryatiy Judenumu tuvachu ni, sajtay variy sami ni, sajnujeyasara junareju variy.

Ne ridyetyaruy nijyanvañi Vuryindenu

¹⁸ Jarichumusiy sadiy Judenu jamirya riva nicyaray vichada, vacha vichadiva jarye, jiryatiy vacha vichadiva riryarupanu nijyanvarya samirya vichada. ¹⁹ Jiryeni datyisaniviy nutyura sadatyanu Vuryindenu nutyu jityaju vadichara niday ranicha. ²⁰ Dañumamuy ne vuñidyichara siva, jvadiyadasara ranicha sundera, ratanuma jita vudyetya variy: Ninì jita vichasara jaryi datyara, ninì jita vichasara Vujye Judenu. Ramunìtiy ne vanay rutay: Ne vudyetya nutyura ravicha sadatyada Vuryindenu. ²¹ Dañuma riñi datyadani, ne rutaryuyada nta Judenu variñi, ne riichanatyaruyada varintyiñi. Ramutiy rijyotada jachipiyajada taji variy, taji ravichada rijechipiyajada varidye. ²² Rutañuyada jaryi datyavay variyu, mityamusiy rimecho datyisamiy varintyi. ²³ Ripyarumya variy riva Judenu danutyadeda junare jnutya day, jiipu tera jvachi jiyasachiy, jiryatiy nijyami jantyasi daryajura, nipyati jantyasi jiyasachiy jaryentiy, daryajuyu numututi jantyasi jiyasachiy jarye, muquiva tiry anumayara jantyasi jiyasachiy jarye titaju.

Ravichasara Judenu murichenutadeda taji variy riva

24 Ramutiy satocheda Jüdenü variryi nijyanvay riryatidye jvaay variryä vacha jvaayada, jiryatiy riñiruy jijeçityara nuñi ridye yarupanta varidyeyu. 25 Satochedantiy riy jiryatiy ripyarumya quivuyadamusiy riva sitenu saniquejada day. Riñi jachipiya riñijyu, rijyu judesavay, ripyarumya riva Jüdenunijyu jachipiyajada varidye. Niniday raça jchanatyasite junareju. ¡Daryani raçajayasarate titaju rundamu! 26 Jiryatiy rijeçipuyadani Jüdenü judesavay jiyasachiy, ramuni satocheda ramiryadamu variryi, taji ntaju rivyichada varidye, ripyarumya vatuy variy riva vanusa vichada, nuñi riñuma jiyasanta varidyeyu. 27 Daryaday ripyaruyada vaduy riva vaturasä vichadantiy, ririryjjada nuñi riryä juvajadasara vichada, ne riryadaruyada variy riva nuday. Riryarupadoda variy ratayu. 28 Daryantyamuy ne ridyetyaruyada ranchiñi Vuryindenu, satocheda variy riva riy, riryatidye jachipiya ranijyu nicyaray vichada, riryajvaay variryä jiryatimyu ne samiryara. 29-31 Titajuma rijeçivyara vacha jvaayada, mitya riityenuñumayajada risayu, nutyu jvimi risaju riy, jaryi taratavay rivyicharuyada risajuntiy, vacha jachipiyajadacanimiy daryaju riy. Ritoma junnutyada titaju ruuva day, juveda, niqueyada jotada, quivuyada, niqueyada jachipiyajada jarye, vacha tuchunumayajada jarye risaju. Javityiyeyadacanimiy risaju riy, jamiryä ridiyada siva Jüdenü, jamiryamu niquevay jarye risajuntiryi, jaryi yinnuvavye jarye risaju riy, riichanatyada variy yinnuvayadamujuyu.

Rijechipiyajada nutyurate vuryajvaay vacha, nutyura, ne richiityeruyada saju jijye risaju, datyisamiy daryaju riy, ne rutotadedara jiñiquejada, ne ridyetyadara samirya vatada, dantyamuy ne riryamityaniryuyada mitya yivara vacha jvaayada jimyityasivyedata, ne ridyetyaruyadara jantyutyasada risajuntiy. ³² Riñi datyisatya suteda vase Judenura: Nityi jvaachara darya, sadiiy variy rucosiy. Va riñi datyisara cay, ne vinu riy jvaachara darya, riñi diy samirya ruuvantidye, jiryatiy ruvaachara tavay daryantidyerya.

2

Ne samurichenutaniy Judenu mityamusiy; samurichenutanichara jita sitenumu

¹ Dañuma chira yecha ji, jiryatiy jityuchuta titaju ti, dantyamuy ne ji raramitya variy; yinuy jityuchuta dajyi, varityi jityuchuta titaju ti, nutyu jijierye rañicha daryantiy. ² Vudyetya yinuy, sivaay sitenu vase Judenura jiryatiy sutay: Riryama dii rucosiy, rityi vichasara darya.

³ Dañuma yajvaay nutyu sivaay nijyami vacha, jiryatiy jityuchuta riva ni. Tapi jijechipiyamate cay yaramityara Judenu jiyasayada variy.

⁴ Yaviryutya dyetyara Judenu jachipiyajada samiryacay, jiryatiy jaryi samirya jachityi dañi, jaryi jijechinirya daryaju ni, ne rabaryijada varenu santyutyada vujyu. Ne jidyetyaruy nta day, samirya vichadamuju sani jmutyaruy taji jachipiyajada paruyadaju ji. ⁵⁻⁶ Dañuma yabachanu jityajura Judenu jiyasayada yiva,

jiryatijamirya jachityi daryaju ji, ne jipyaruryuy riva taji jachipiyajada; jibechanura sayasayada rarundamuju sanumatiy dityanura sitenu vase murichenutadede, jiryatij samurichenutaniy nuñi tiquimusiryi nijyanvay, vacha vichada murichirya. ⁷ Jivye jita, jiryatij samirya vichadamusiy rivyatara vandamu vichada, rivyata ranachontiy, satidye jnyu Judenu samiy riñecho, rivyata junareju jnyuada nachontiy, samurichenu Judenu junareju jnyuadata variryi. ⁸ Ruvay jita, rityimyu ne siityeruy ranacho sitenu Vuryindenu niquejada day, richiityari varidyerya jiryatij ne samirya darya, rivatij samurichenutaniy jamiryamusiryi. ⁹ Rijyu rachasara Judenu jarupantada, paruchariy jarye, titaju nijyamiju nitij jvaañuyadara nicyaray vichada, Judiyuvedaju munatya, rijyuntiy, jiryatimyu ne Judiyuveda daryi. ¹⁰ Rityi jvaacharara samirya, rijyuni jita rachasara vandamu vichada day, sajnyu Judenu samiy riñecho variy, riryavicha samirya jachipiyajadatavay titaju variy, Judiyuveda munatya, jiryatimyu ne Judiyuvedantiryi. ¹¹ Ne sajaryeta daryaju Judenu riy nijyanvay.

Nutyichirya sachaniy Judenu tara riva riy jiryatimyu ne saniquejada nucharatavadyeryi

¹² Riy jita jiryatij ricyaray rajisij Judenu nu, saniquejada nucharatavatya, daryamusiy riryaparutay, ne ti ratuchuta saniquejadata riy. Rityi caray Judenu nujisij saniquejadata, daryaday saniquejadata yatuchutantiryi. ¹³ Tapi ne samirya vichavay sadiy Judenu ruuva,

rityi tuvachu mitya jityuyútara saniquejada; ruuvani jita sadiy samiy rityi tuvachu jijeçhitya ramu saniquejada. ¹⁴ Varityi ruvaay nijyanvay jidyiryara suteda Judenu, jiryatimyü ne saniquejadatavadyeryi, ruumusiñuma yindera darya niquejada day, ramutidye rityuvachu day. ¹⁵ Vüdyi varyi riva Judenu vaçada, jiryatiy bachara rijeçhityura saniquejada. Mityamusiy rijeçhipiya varyi, samirya vidye vuñi jvaay, varimyata nicyaray dyetya vuryivaay. ¹⁶ Variryundamu jita vuryadatyara, sanumatyiy sipyata Judenura dutyasara jachipiyajada varyi, darya ratyuchusara samituchoda terata: Samurichenutaniy Judenu Jesucristu jtyamura.

Nityi datyara Judenu niquejada, ne satuvachusara varyi ramu, niday jiyasay jaryi varidyeyu

¹⁷⁻²⁰ Yajnuj ji, jiryatiy yitay Judiyu ji, jityuvachu jita Judenu niquejadamu jiryatiy supajada Muyisésibemyusirya; yichanatyä Judenumuntiy ji, yinnuvayadamu; jidyetyantirya savatarantiy; jidyetyasarara samirya jaryetada jiryatiy datyanusavay jirye Judenu niquejadamu; jijeçhipiya varyi jñijyu: Ray jita rupityaniy vase sitenu jitaní, nityi rañicha nutyu nisipyuryi Judenu niquejadamuju; ray jita datyanu rijyu tuvachusamiy, ratidye rupityaniy vanda núva variryi; ray rañicha máyestru datyisamijyu; ray rañicha datyanu rijyu nutyu deramiy nta rivyicha daryaju, jiryatiy saniquejadamusiy radyetyara datyada.

Darya dyetya yitay jiidye. ²¹ Jiryatiy jiejchipiya darya jiñijyu, ritajanu variy ji: Jiryatiy jidyetyanu ti, dantyamuy ne vinu ji datyara. Jiryatiy jidyetyanu riy nijyanvay, ne riryi paranu variñuday, jiijerye dyetya paranú. ²² Jiryatiy yitay: Ne jiryarupi ti vaturuy jsa, ¿jiijerye dyetya rupi ti vaturujsantidye? Jiryatiy jiñiquetta sitenuni jiipu tera jvaachi, ¿jivyata sitenuni Judenu variy? ²³ Jiryatiy yichanatyayinnuvayadamura saniquejada, ¿yavittyuy dyetyani Judenu jiryatiy jidyetyisa riva suteda? ²⁴ Ramunítiiy riryavityiyerya sitya Judenu, jiryatimyu ne Judíyueda daryi, jiryeyasayadamu riryavityiyerya, nuryate tariy nuchara taarye, nurya.

Nutyichiy vuryicha Judenu nijyanvay, nutyichiy

²⁵ Jadchiy, jmutyododa jita samirya riryatidye datya Judíyu day ji, jiryatiy yitay Judenu nijyamí daryaju day ji, jityi tuvachu variy ramu suteda Muyisésibemyusiy titaju; jityimyu ne ratuvachu ramu, ramachó mitya variy jiijyu jmutyododa, jiryatiy ne sitenu Judenu nijyamí day ji. ²⁶ Daryantiy, savidye tuvachu ne jmutyonusi vanu ramu Judenu niquejada, samirya vichadaju, sajmutya Judenu variy rivasiy jiñijyamiju ni. ²⁷ Nini jita jiryatiy ne jmutyonusini, satuvachutiy variy ranachó saniquejada, nini radityanu rata, samiryatya jivyichasara daryaju ji, jiryatiy Judenu niquejada nucharati ji, jmutyonusi jarye ji, dañuma yacaray Judenu nújisiy. ²⁸ Tapi ne vuñicha sitenu Judíyu vinu variñumatiy vudyityanu vuvyumura vuvyichada Judíyueda.

Daryantyamuy ne vuvyicha saranusavay Judenu niyanvajyu vinu rata jiryatiy jmutyonusimiryi vuryisa piruvye. ²⁹ Nini jita vicha sitenu Judiyu jiryatiy savicha Judenu niyami jijechimyu, daryantya ravicha sitenu jmutyododa jiryatiy sivaay Judenu vuju darya, Suntuta, quichitya vitya mitya. Jiryatiy sivaay Judenu vujuura, ne vuvyata variy rancho niyami jchantyada, vuvyata jita rancho Judenu jchantyada day.

3

Judenu sitenu vase niqueratecu

¹ ¿Taratata saramichaniy Judiyu ti variy, taratata? ¿Tarajutyani, taraju? ² ¡Jaryi ramuchentya sajutera! Munatya jiryatiy Judenu bayada simura jiniquejada sadatyadodaju. ³ Jiryatiy rivyichada Judiyuveda tevay tuvachusamiy ¿va ramachova mitya saniquejada Judenu ruuva cay? ⁴ Dañuma riryecha quivuvye niyanvay, dantyamuy ne riryacarera Judenu niquejada variy. Darya nuchara niday: Riryatidye jtay niyanvay variy: ¡Sitenu sanique Judenura! Savuunu varini nitiy ratuchutani. ⁵ Dañumatiy jiryatiy ne vuvyichasara samirya nta, ramusiy ridyetya niyanvay sanchiy Judenu: Nini sitenuni vase jvarya. Sanumaty tanuvunu Judenu variy vuvyichadiva vuy, vuryi jtay dyetya variy sanchiy: Ne sadatyadamu jityanuvunu vuy, ne yinuy vacha vuvyichadamusiy vadicharara sivaayada vase day. ¿Tarajuna satanuvunuruvyy, taraju?

Temusiy riryi dyetya jachipiya vaduy darya.

⁶ ¡Tama ravicha darya, tama! Netimyu ne

sadyatadamu jityanuvunu vuy ¿nutyuramusiña sadatya variy murichenutadeda rijyuuchaveda jiyadaju riy mucadiva vichavay, nutyuramusiy? 7 Tj dyetya rajtay variy: Raquivuyadamusiy riñi diy nijyanvay vadichi siva Judenu, jiryatijy shtenu niquera jita nj, rasay variy sandá ramusiy. ¿Nutyuramusiy sayasay variy riva raquivuyada ray, nutyuramusiy? 8 Vuryi jtay dyetya varintyi: Vuryajvaarya vacha vichada ratidye jutj samirya rucosiy. Darya ruteda Pávuruveda, riryavityiye tavay nuy. Variñuma samurichenutaniy Judenu riva riy, vuryajtay variy: ¡Taviy!

Titaju nijyanvay jiyasay Judenu diyayu

9 ¿Nutyura vuryajachipiya variy, nutyura? ¿Jiryatijy Judíyurveda vuy, vuñi jita samivyevyaju ruumusiy tavadye? ¡Ne dyetya! Ratyuchutama daryaju titaju riy: Rivyicha vaduy vuunusavay juuchataway, daryadantiryi Judíyuedantijy, daryadantiryi jiryatimyu ne Judíyurveda daryi, vatajuu rivyicha variy daryá titaju. 10-18 Daryaday ranicha nucharantijy:

Ne tj samirya vichara, mitya; ne tj datyara, ne tj vatasara Judenu nacho. Ricyaramya titaju sanújisiy, ne taraju nudaryi, ne tj jvaachara samirya, ne vinu tiqui, mitya. Nutyu bapyo muttarya rapotiye riñiquejada variy, vacha niquejadamuju; rutosiy jiquivuy daryaju, nutyuni codiy jadavimusiy rasipyatay ranva rutoju, rani niqetaniy vacha variryi, ramunijy jaryi jivyara ruto ramusiy: jasiñuma rantuy riñumutu jichiiyadaju day, nijyamj nuda

rubedaju; rityi rupi riva riñú ne rasutye juveda rijyu riva, jantyuyada jarye; ne ridyetya jivyicha samirya, dantyamuy ne ridyetyara Judenu suvuyada nundyē.

Darya ranicha nuchara títaju. Jiyunuma rabaryi tariy nuchara day. ¹⁹ Vudyetya yinuy, títaju jiryatiy Judenu niquejadamura, rani nique riñijyu jiryatiy saniquejadatavadyeryi. Ramunītiy ne ti raniquesara saniyyu Judenu, títaju nijyanvay rajniy satuunuju satidye jaryeta jasiryi, mira rachaniy taji nta, jiñu jítamuy ne rachaniy tara day. ²⁰ Tapi ne vuchara ntara sajtaje samivye varivyuy, vuryitotanitya daryajura saniquejada, saniquejadamusiy yinuy vudyetyara vujyuuchurveda.

Judenu ray riyada yimu tuvachuvay

²¹⁻²³ Diye jita radtaday sadytanu Judenu darya nutyuramusiy sajtay samivyevyuy, nutyuramusiy, netimyu ne vutyuvachusara ramu saniquejada títajuntidye. Saniquejadamu jita jiryatiy tariy sanuyada Muiyisiberya suteda, riñuyada Judenuju tuchuvabe daryantirya saniquejadantiy, ramuni jita datyasara diye darya, nutyuramusiy sajtay Judenu samivyevyuy, nutyuramusiy, jiryatiy vutyuvachu daryaju simu Jesucristu. Sajtay Judenu samivye títaju riy rityi tuvachu simu. Ne sajaryeta ti, tapi vuvyichatya jidchavu títaju saju, jiryatiy vujyuuchuvamya títaju daryaju, vuchutye variy rivasiy sadanuyada. ²⁴ Rivasiy jita sabay samivyejyuntivyuy jiryatiy samurichenuma daryaju vuryeyadaju

Jesucristumusi, samiryanuma varivyuy. Ne samurichenutaniy variñudavyuy. ²⁵ Sabayadani Jesucristu satidye batye vujyuuchaveda jiyadaju, varityi vutyuvachu simu, jiryatiy sarubedara yinutya nuda vuryinutyaaju variy. Ramuni vudyetya sivaayada vase Judenu tarirya, varityimyu ne samurichenutadedara rijyuuchaveda variy didye. Santyutyadamuju ne jimyurichenutadedada variy didyerya. ²⁶ Daryamu vudyetyantiy sivaay vase Judenu diyentirya, jiryatiy samurichenutadedara vujyuuchaveda Jesús munusadata, sadiy variy vuryiva samiy jvaavye vutyuvachodamusiy, jiryatiy vutyuvachunuma daryaju simu Jesús.

Ne vanay nta vuryaramitya vudyirya jvaacharamusiy

²⁷ ¿Tarajuna vuryajchanatya mitya vuryinnuvayadamu vuy, taraju? Tama vuñi jtotanirya saniquejada didye, tama. Vinu vutyuvachodamu sutay samivye varivyuy. ²⁸ Tapi daryani jita vujechipiyajada: Sajtay Judenu sami variñi nijyami vinu satuvachodamu, dañumamuy ne sanijtotanirya saniquejada. ²⁹ ¿Va vinu Judíyuedaju sachava Judenu cay? ¡Daryaday sanicha rijyuntiy jiryatimyu ne Judíyueda daryi! ³⁰ Tiquide jiryinuñi Judenu, ramunitiy sajtay samini Judíyu jmutyonusi jityuvachodamusiy. Jiryatimyu ne Judíyu jmutyonu dañi, daryaday sajtay sami vinu satuvachodamusintiyu. ³¹ ¿Nuñajtay dyetya variy: Ramacho dyetya mitya Judenu niquejada, jiryatiy vinu vutyuvachodamusiy sutay

samivyevyuy? ¡Nentate day, mitya varidye! Vuñique rayadaju saniquejada variy. (Rata yinuy vudyetya: samurichenutaniy Judenu mudodatara vujyuuchueda, vuvyata variy sanachõ vuryeyada ráñuju.)

4

Judenu diy samirya vuryiva sitenu vutyuvachodamu daryatiy savichadedani Avurábantyi

¹ ¿Tarañ vuryajtay sanchiy vumyunatyí Avurábay, tara? ¿Tara sasaryeda niquejada jtotadedamusiy, tara? ² Saryityi jteda Judenu samí sivaayada murichirya dayu, saryi jchanatya variyu, ne jita Judenu diya. ³ ¿Da nutyura ranique Judenu nuchara ranchiy, nutyura? Ranique: Satuvachoda Avurábay simu Judenu, sadiyada variy samirya siva.

⁴ Yinuy, ne vumyurichenusara mityamusini jvaañu; vucharanu jita nurirya vudyivyí sivaayada murichiryayu. ⁵ Saju jita, nitimyu ne niquejada jtotadedamusiy sivaay tara, suteda Judenu samí variñi, satuvachodamu sajtay samí variyu, jiryatiy darya savicheniryuy samirya ni jamirya vichara, satidye tuvachu variy simu. ⁶ Daryatiy suteda tariy Judíyueda curaca Davyíbe ranchiy: Jiryatiy sadiy Judenu samirya vichara siva nijyamí dañumamuy ne sachá samí, saju saranumá daryaju darya, jiryatiy sachá Judenujsá taricharaju. ⁷⁻⁸ Suteda varintyi: Judenu jmutyasavay jita riñicha nijyanvay jiryatiy saramityaniy Judenu ruuvara

vacha jvaayada, samutadoda varirya rijyu-uchuveda samiy títajū yajisiy. Sīchanatyīsī jīta nijyamī jiryatīy saparūmya Jūdenu siva, ne sajachipityajasara saju nundyerya jīyuuchuveda nūndye.

⁹ Jīrya jchanayada jīta, ne vinu Judíyuedajū darya, jivyejyū jarye jiryatīmyū ne Judíyueda daryi. Tapi vuryítay Jūdenu jteda samīnī Avurábay satuvachodamusiy. ¹⁰ ¿Nūtyuramu sūteda daryanī, nūtyuramu? sūmutyonusadamu, varīmyatamūy ne sūmutyonusadamu jivyichada didye. Sūteda jīta jiryatīmyū ne jmutyonusī didyeñī. ¹¹ Sūmutyajada jīta Avurábarya jmutyododa, riryatīdye datya nijyanvay ramusiy: Sūnūy Jūdenu samīrya Avurá nacho jityuvachodamusiy, yimutyonusadajisiy. Sivaayada Jūdenu nuryara, satīdye vichasiy Avurá rimyunatyī títajū rityi tuvachu simu Jūdenu jiryatīmyū ne jmutyonusavay riñīcha didye, satīdye jtay samivye varīntyīryi. ¹² Savaṭada Jūdenuntīrya, satīdye vichasiy Avurá rimyunatyī jmutyonusī, rityi ne vinu jmutyonusavadyeryi, richīityarīsara varīntyīdyerya sūmuntīdye, vūmyunatyī Avurá jmu, jiryatīy sarupī Jūdenu nūva jityuvachodamu yimutyonusadajisiy.

Jūdenu jteda yasañī Avurábay mucadi títajū sadadyeñūjū

¹³ ¿Tarajū sūteda Jūdenu Avurábavya, tarajū: Raḍay say mucadi mitya jī, rasūtyerya sarajū, jīdyedyeñūjū jarye?

Ne suteda siva ramusiy, jiryatiy sitotadedara saniquejada daryaju; ramusiy jita suteda daryá, jiryatiy Avurábay tuvachoda samirya simu. ¹⁴ Tapi riryivyidye jmutyara mucadi rityi jtotanicharara niquejada, ne taraju nundyerya vutyuvachoda variñundyey, ramachō mitya variy suteda Avurábavyantiy. ¹⁵ Ne yinuy Judenu niquejadamusiy racha vacha vichadedá, vuryitotanitya daryajura. Jasityimyuy ne tara jnay Judenu niquejada, dantyamuy ne ravichasara juuchaveda variy. ¹⁶⁻¹⁷ Ramunītiy vuryimutyá vinu vutyuvachodamusirya Judenu jteda, satidye say mitya vurya. Vudyetya variy: Suteda rachasara titaju Avurábay dadyeñuju, ne vinu rijyu jiryatiy rumutyajadara saniquejada, rijyu jarye jita rityi tuvachu, daryatiy satuvachoda Avurábay, nitiy vichasara munatyī vujyu titaju, darya nuchara Judenu jteda siva Avurábay:

Rabemya rajuu nijyanvay munatyiju ji.

Daryamusiy savichada Avurábay vumyunatyī sadiya Judenu, jiryatiy satuvachoda daryaju simu, nitiy datya misadedá diibyimusiñi nijyamī, jadchintyi sadatya tuchoda taranchiy nutyu judesaranuma darya, jiryatimyu ne judesara didyerya. ¹⁸ Avurábay jita jiriryijadara tuvachoda simu nutyu titiy saryicha tarimya saryipyaryuyada riva, satidye vichasiy variy rajuu nijyanvay munatyī, daryani ranicha raniquesada:

Darya riryechasara jidyedyeñu, nutyu jdarichijyuu rajuu.

¹⁹ Ne saparuryuyada nta variy riva Judenumu tuvachoda, jasiñuma sajachipiyajada variy

ramusiy detuyadaju, dañuma sanichada jaryi rimyityu, taraqui pacha niyatuunutinama daryaju dañi. Dantyamuy ne saparuryuyada riva tuvachoda sajachipiyajadanutiaty sanchiy jivyatura Sára detuyasa. ²⁰⁻²¹ Satuvachoda jivyanuyadata ramu Judenu niquejada jiryatyy sani jteda sivara, rasayada satuvachoda varidye, shichanatyada risajuni Judenu, sadatyama daryaju: Sitenu datyara niday Judenu, sajtotaniy varirya yiteda. ²² Ramunitty suteda Judenu samini, satuvachodamu. ²³⁻²⁴ Ne vinu saju ravichanuyada nuchara jiryatyy suteda Judenu sami satuvachodivayu: vujyu jaryentiy, jiryatyy vutyuvachu daryaju simuntidye, nityy misadeda diibyimusiñi Vuyntyityu Jesús. ²⁵ Nini batyeda vucyarayada jiyadaju, samisadanumatyy vuryetyemya variy saju.

5

Vuryichanay jiryatyy sudutyasara Jesucristu daryaju sisa Vujye vujyura

¹ Ramuni jiryatyy sutamyä jita Judenu samivye vutyuvachodamu vuy, ramacho vujechipiyajada samiy variy sanijyu Judenu, Vuyntyityu Jesucristumusiy. ² Jesucristumusiy jita vuryitoma jirya samirya vichasadamu; jiryatyy vutyuvachoda simu, sasayada mitya vurya, vuchiityari variñi. Vuryantya jchanay variy jiryatyy vuñi datyisaniviy, vuryaday saryeñuvera sadá Judenu. ³⁻⁴ Ne vinu ra, vuryantya jchanay paruchariñubentiy, parucharimyusiy yinuy vudyetyara tapimusiy jachideda;

varityi vudyetyara tapimusiy jachideda, sabay Judenu variy jantyasavay varivyuy; varityi vuvyicha jantyasavay, vuryanutuy varirya sivaayada Judenu. ⁵ Ne vuryajada riva vuyntuyada, tapi sarumimya Judenura jivyatada vujechivya yintumusiy, jiryatiy sasayada Yintu vuy. ⁶ Tapi varityi vadiiryovay vuvyichada variy, varicharaju sabatyeda Crístu vuryeyadaju, jiryatiy vacha vichavay daryaju vuy. ⁷ Vaniramusiviyitya yinuy vubetye samiy nijyami jiyadaju; temusiy ti dyetya saryi sarya yinuyada samirya jachityi jiyadaju. ⁸ Judenu jita dityadoda jaryirya jivyatada vuñijyu, jiryatiy dañuma vuñichada juuchatavay, varidye sabatyeda Crístu variy vuryeyadaju. ⁹ Ramuni jiryatiy saratyanuma Judenu diye vuy, Crístu nudajata, jaryivyaju jita sajantyuy Crístu vuryiva, Judenu niqueyadajisiy. ¹⁰ Varityidye vuvyichanuyada samityasimyi, sudutyada variy jidyenu munusadata vuryisayu. jaryivyaju jita, jiryatiy vuvyichanuma jdutyasavay sisa, sajantyutye jidyenu jnuyadatate variy vuryivate! ¹¹ Ne vinu ra, vuryichanatyani Judenuntiy, Vuyntyityu Jesucristumusiy, simusiy jita yinuy vuryimutyajadara jdutyasada sisaju Judenu.

Arábamyusiy rundayada juuchurveda titaju nijyamiju, ramutiy sudeda Jesucristu jidyiyada nacho vujyuuchurveda jiyadaju

¹² Ramuni ravichasara daryaday, jiryatiy tiqui nijyamimusiy rundayada juuchurveda mucadiva titaju, darya juuchurvedamusiy jita rundayada diiyada varintyi, ramusiy rurayada diiyada

t̄itaju nijyanvavya variy, jiryatij rijyuuchueda
 t̄itaju simusiy. ¹³ Munatya j̄ita, netimyu ne
 sabayada Judenura jiñiquejada Muysésibemyusiy
 didye, ravichanuyada yinuy juuchueda
 mucadiva, dañumamuy ne sayasayada Judenu
 nijyanvay nijyura juuchueda, netimyu ne
 saniquejadatavay didyeryi. ¹⁴ Ravuudoda
 j̄ita diiyada t̄itaju riy jiryatij rivyichanuyada
 nijyanvay munatyavay, Arábamyusiy
 Muysésibe saraju t̄itaju, dañumamuy ne
 rijyuuchueda nutyu sajuuchueda Arábay
 daryá. Jiryatij savichanuyada vumyunatȳi
 Arábay vuryatidye vichasara nijyanvay
 diiyasavay, sabayajada Jesucristu nijyu n̄itij
 rachasiy vumyunatȳi vuryatidye vichasara
 Judenu dadyeñu. ¹⁵ Jiryatij sasay Judenu
 mitya vurya jnuyada Jesucristumusiy, ne darya
 jiryatij sajuuchuedamu jiryupajada Arábarya
 vase vichadá, ramutij ridiyiyada rajuuvey
 variy, t̄iqui rupajadamusiy; rasayada j̄ita
 Judenu sayada junay jadchij, jiryatij sasay
 mitya rajuu nijyanvarya jnuyada; t̄iquimusiy
 sasarya, Jesucristumusiy. ¹⁶ Daryantyamuy ne
 ravichada t̄iqui nijyam̄i juuchueda murichirya
 jidchavu sasayada day, ne yinuy t̄iqui nijyam̄i
 juuchuedamusiy rito ramurichenusada day,
 sasayadamusiy j̄ita rito samirya vichadá
 rajuuru rupajadivasiy. ¹⁷ Tapitya ravuudoda
 diiyada t̄iquimusivyuy, sarupajada murichirya,
 jaryivyaj̄u j̄ita vuryanusujeyasara jnuyadamu
 t̄iquimusintiy, Jesucristumusiy, jiryatij sutay
 samivyevyuy, sasay mitya variy junareju

jnyadantivyuy. ¹⁸ Ramun̄itiy daryat̄iy t̄iqui niȳjami rupajadamusiy rundayada juuchaveda jiyadaju murichenusada, t̄itaju niȳjanvayju, daryant̄iy jiryat̄iy sun̄uyada Judenu sam̄ini t̄iqui niȳam̄int̄iy, sun̄uyasara tarundamujunt̄iy samivyedye t̄itaju riy niȳjanvay jun̄areju jnyadaju. ¹⁹ Tapi daryamusimyuy ne sasītyeruyada t̄iqui, daryamun̄i rimechojada niȳjanvayjuu juuchataway variy; daryamusint̄iy sasītyejada t̄iqui sat̄idye jtay Judenu samivyeryi niȳjanvayjuu varint̄iy. ²⁰ Jadchiy j̄ita rivasiy, sabayada Judenura jiñiquejada, ramachojada juuchaveda jvadichara variy rijyū niȳjanvay, jasiñi j̄ita raşayada jaryivyaju Judenu ramityadeda varint̄iy. ²¹ Ramun̄i, daryat̄iy ravuudoda juuchaveda diiyadamuju vuy, daryaday ravuunun̄aya saramityadeda Judenunt̄ivyuy, sat̄idye jtay samivye varivyuy, vuryat̄idye jnujeyasara variy Vuyntyityu Jesucristumu.

6

Vuntyeryaniy sisaju Cr̄istu vuryityuyadamusivyuy

¹⁻² ¿Tara vuryajtay varirya, tara? ¿Vuryajiriryi juuchavedamu, ratidye jasat̄ya Judenu sayada varivyuy, vurya? ¡Ne vanay ntate dacyu! Jiryat̄iy vudyiityimya juuchavedamu, ne vuryan̄iruchara jadchiñudarya juuchaveda nuday. ³ ¿Datyasavay vidye j̄irye, jiryat̄iy j̄ityuvye Jesucristu diiyadamuju davyuy, t̄itaju jiryat̄iy j̄ityuvye simu davyuy? ⁴ J̄ityuyadamu j̄ita vuvyicha nut̄yu jmuchusavay nta variy Cr̄istusa,

sadiiyadamu, jiryatij sadiiyada vuryeyadaju daryaju. Ramujuntidye vuryarupiñumaya vadi jnyadamu, nutyu samisama Crístu diibyimusi, Vujye vanda vanutyadata. ⁵ Daryatij vuvyichasara jmuchusavay vatajuu sisaju, darya savichada jmuchusi jidyiyadamu, daryaday vuryamisasumichara sisajuntidye. ⁶ Vudyetya daryaju, jiryatij jvatyicharanuma darya tarij vuvyichada rapurya sisaju crusityasa day, vuryatidye paruj variy riva vudyirya jvaayadacanuyada variy, ne ravuunusara juuchueda variñudavyuy. ⁷ Ne yinuj jmuryasinuma juuchuedajisidyeñi nitij dii. ⁸ Vudyetyama jiryatij vutyuvachodamusij vuryajnuchara Crístu jsantij jiryatij vudyiityimya sisa. ⁹ Vudyetya yinuj tama sadiij junay Crístu jadchiñuday, tama, jiryatij samisama diibyimusi daryaju day, ne ravuunu diiyada variñunñi. ¹⁰ Tapi sadiiyadatatya, jiryamityaniryia juuchueda jiyasayada, diye sunuyadamu jita jivyichasara Judenuju. ¹¹ Jiryantya jachipiya darya jiñijyu day, nutyu diibyimij jiryenicha variy juuchuedaju, jnuyve jita jiryatidye vichasara variy Judenuju, Jesucristumu.

Vuvyichasara muchechij juuchuedaju varimyata Judenuju

¹² Ne jiryasabutyanij juuchuedajuy, jiryevy diiyasaramuy, jiryatidye tuvachu jiñiruryamu. ¹³⁻¹⁴ Dantyamuj ne jiryajnutatyara jiryevy nutyu jvaatya juuchuedaju. Jiryajnutatya jita Judenumujyu, nutyu misavay diibyimusi jiryajnutatya jitayu, jiryevy jarye jajnutatya

simuju, samirya vichasara jvaatyaju jita, tapi ne ravuunusara juuchueda jiryenuday, jiryatimyu ne sanusuy Judenu jiñiquejadata nundyevyuy, sani nusuñuma diye jivyatadamu vuy.

¹⁵ ¿Nutyuna diye, nutyu? ¿Vurya vidye juuchuvay, vurya, jiryatimyu ne saniquejadamuju nusuchavay nundyevyuy? ¡Tama day, tama! Savatadamu yinuy yinsurya vuryinuyada.

¹⁶ Jiryedyetyisatya varityi vuryintatya timuju vuy, vuryatidye vichasara variy samuchechiy, vuvyichasara variy samuchechiy, vuryatidye tuvachu variy simu. Daryani jiryevyichasara ti muchechiy, varimyata juuchueda muchechiy jiryatidye dii rucosiy, varimyata Judenu muchechiy, simu tuvachodaju, jiryatidye vichasiy samivye sutedamuju variy. ¹⁷ Ríchanatyate ni Judenu, jiryatyi dañuma jiryevyichanuyada juuchueda muchechiy, jiryanumityadamayu, jiryetyuvachoda variy titaju jijechitya ramu samituchoda datyadoda, jiryatyi sititada jiryimura samituchoda.

¹⁸ Jmuryasavay jita juuchuedamusiy jirye, jiryevyichama jita variy Judenu muchechimyi, samirya vichadaju. ¹⁹ (Rañique nurya jiryatyi vadiiryovay jirye, jiryejechipiyajadamu.) Daryatyi jiryintatyada tarirya jiryevyu vacha jvaatyaju, Judenu niquejada jiyaroju, daryaday jiryajnutatya diye samirya jvaayadajura jiryevyuntiy, jiryatidye vichasara variy Judenuju. ²⁰ Tapi varityi jiryevyichanuyada juuchuedata vuunusavay, ne vanay ntate jiryevyichada samirya vichadaju day. ²¹ ¿Nutyura datyada jiryedyetyada tariy jvaayadamu jiryatyi

jiryadanuma diye rivantiy, nuṭyura? Ramusiy jita yinuy vuryimutyara diiyada day. ²² Diye jita jmuryasavay jirye, juuchovedamusiy, jiryevyichanuma Judenu muchechimyi varidye, jiryimutya ramura jijiintyasada Judenuju, rucosiy jitarata tarijyu jnujeyasara. ²³ Tapi juuchueda jita murichenutanichara diiyadata vuy, Judenu jita say mitya tarijyu jnujeyasara vuy, jiryatiy vuryajnujeyasara Vuyntyityu Jesucristumu.

7

Sajiintyama Judenu jiniquejada jiyasayadamu-sivyuy, vuryatidye vichasara samirya variy sisa Cristu

¹ Ratuchu jiryiva, ratyeryiveda, tapi jiryetya datyara Judenumusiy runday niquejada, jamu nutyityumusiy rundacharantiy, ramuni vuryatuvachu ramu niquejada jnuñutidye vuñicha, vudyiyada saraju titaju. ² Daryaday vaturuy vanutanuntyi nadavichasara puchusanuy niquejadamusiy, nanuvanu diiyada saraju yinuy judaca; sanumatiy dii variy, nanajiintye jita variy sisasidye. ³ Netimyu ne sadiiy nanuvanu didye, naryityi rupi variy saniyare sisa ti vanu, riryanique variy nanunijyu: Nanucadnavedamu jiryupi sisa vanu. Nanuvanu diiyadivasiyiti jita jiryupi sisa vanuntyi, ne ti raryi nique tara variy nanunijyu nuday, jiryatiy nanujiintyemya variy sisasiy jivyanubadye, samiryanuma variy nada day. ⁴ Daryaday jiryentyi, ratyeryiveda, sajiintyama Judenu jiniquejada jiyasayadamusiy

jirye, jiryatiy suvatyaniñi Crístu jiryeyadaju, jiryatidye tuudi variñi nitiy misada diibymusiy, jiryatidye jmütya tarivaní Judenu variy. ⁵ Tapi varityi vuvyichanuyada jachipiyavay vujyu, jiryatiy sutedamu jubachara darya, rañi judema varirya vacha niruyada vujyu, vujyuuchueda variy diiyadamuju. ⁶ Diye jita vuñicha jiintyevye saniquejadamusiy, jiryatiy diiyasavay ramusivyuy, jiryatiy tariy ravuununuyada vuy. Diye vuvyichasara jiintyevye, vuryatidye vicha variy vadi vichadaju, Judenu Jnutu jmütýadata, jiryatimyu ne vanay vuvyichasara daryatiy radatyanusara Judenu niquejada nuçhara day.

Juuchueda jaryinra ratidye jatachu varivyuy

⁷ Vuryajtajanu dyetya variy: ¿Juuchueda dyetya saniquejada? ¡Tama day, tama! Ne yinuy saniquejadamusiy vudyetyara tara ranicha juuchueda day. Dantyamuy ne vuryi datya niruyada riva vutyenu barya, netimyu ne sanique Judenu jiñiquejadamu: Ne yaniruy riva jityenu barya. ⁸ Juuchueda jita jotada jnutyadeda vujechimyujura vacha niruyada, Judenu niquejadamusiy runutyadedara, yinuy vitya ne vanay rivaay juuchueda vujechimyu varityimyu ne ravichada saniquejada day. ⁹ Tapi Judenu niquejadajisiy, vuñi jtay vuvyichada jnuñu, saniquejada jtojadivasiy jita vudyetyada variy juuchatavadyevyuy, vuryanuma dii ramusiy. ¹⁰ Vudyetya variy: Jiryatiy sabayada Judenu vuryinuyadajura jiñiquejada, ramachojada variy vudyiiyadajuntiy. ¹¹ Juuchueda jita jurirya Judenu niquejada, ramutiy raquivuchu

juuchuvedamujū varivyuy, ramudoda jīta varivyuy jiryatīy rūtay: Yādīy juuchuvedacošiy. 12 Ramunī vūdyī riva Jūdenū niquejada, rantyītyū niquejadate day, vāse jarye, samīrya jarye risajūra.

13 ¿Ritīavidye Jūdenū niquejadara vūmyunusāda variy? ¡Tama day, tama! Juuchuveda jīta jūdejadara diiyada samīrya Jūdenū niquejadata vūjyū, vuryatīdye datya: Sītenū jamīrya vadichara dārya juuchuveda day, radityadoda nīcyaravyajū variy rivayū.

14 Vūdyetya jīta daryajū jiryatīy ravicha samīrya Jūdenū diya jīñiquejada jtotadedā. Vūdyīrya jachīpiyajada jīta, ne samīrya sajū, jiryatīy ravicha juuchuveda tītajū daryajū vuryīva day.

15 Ramunīmuy ne vūdyetya nūtyura vūdyetyá, nūtyura, tapi ne vuryīvaacharara jiryatīy vuryīvaaryūrya; jiryatīy javittyuchara nta vūjyūra, ranī jīta vuryīvaay varīdye. 16 Jadchīy jīta vūjechīpiyā samīrya ranījyū saniquejada. Ne samīrya varīrya vuryīvaayada jiryatīmyū ne vuryīvaaryūrya, vūdyetya daryajū samīrya varīdyerya saniquejada day. 17 Diye vūdyetya:

Ne vūdyīrya vūñī jvaarya nīcyarāy, juuchuveda jīta jvaatyānīy vūdyerya. 18 Tapi vūdyetya ne tara samīrya vuryīmu, mītya, vuryītay vūdyīrya jachīpiyajadamū. Vūñī jīta jvaaryūrya samīrya, ne vūcharā nta daryajū darya. 19 Dantyamuy ne vuryīvaarya jiryatīy vuryīvaaryūy samīryara, nīcyarañīday vuryīvaay varīdyerya, jiryatīmyū ne vuryīvaaryūrya. 20 Ramunīday varītyī vuryīvaarya jiryatīmyū ne vūñījvaaryūrya, varīñī

jita ne vuryivaay vudyirya, juuchueda jvaatyaníy variy vudyerya, jiryatíy vuryiva vichara daryajura. ²¹ Vudyetya variy nutyurará: Variñumatiy vuryivaaryurya samirya, jasiñuma vutyuunu varidyerya nicyaradye, ratidye jatachu varivyuy. ²²⁻²³ Tapi vujechimyu jita vuryichanatyara Judenu niquejada day. Vudyi jita variy riva vudyirya jachipiyajada, jiryatíy Judenu Jnutu jachipiyajada jiyarojura. Jiryatíy vujechivyara, ravuunusara varivyuy, vuryatidye juuchuvachara variy.

²⁴ ¡Vuryantyutyate varivyuy! ¿China rajantyuy vuryiva ramusiy vudyirya jachipiyajada rapurya, chí? jiryatíy diiyadamuju darya. ²⁵ ¡Yentyumyate nudyiva, Yeye, Nuyntyityu Jesucristumusi! Jadchíy, darya ritesimya darya, vujechitya vutyuvachu ramu Judenu niquejada day, vudyirya jachipiyajadamu jita vutyuvachu juuchuedamu day.

8

Daryamusiy dyetya vuryicha Judenu Jnutu jtedamuju

¹⁻² Tarantya jiyasayada diye vujyu nunday, jiryatíy simu davyuy, Judenu jaryeti Jesúsnu vuy, tapi jiryatíy vutyuvachu Jesucristumu, vuryintu jnyadaju, sumurya Judenu variy juuchuedamu diiyadajisivyuy. ³⁻⁴ Darya sivaayada jita Judenu jiryatimyu ne vanay rivaay saniquejada yasiqita vujyu, jiryatíy vadiiryora vudyirya jachipiyajada rapurya daryaju. Supajada jita variñi jidyenu vuti, nutyu vuvyu juuchuedacanurya,

juuchuveda murichenutadedaju, jiryatiy samurichenutadedara juuchuveda Jesús vumu, satidye jtotaniy vasera jiñiquejada vuñijyu, jiryatiy vuryupichara Suntutu, ne vudyirya jachipiyajadata. ⁵ Tapi ñitiy vichasara jidyirya jachipiyajadamuju, ranijyu sajachipiyasara variy. Ninì jita jiryatiy savichasara Judenu Jnutu jachipiyajadamuju, ranijyu day sajachipiyasara varintyi. ⁶⁻⁷ Vudyirya jachipiyajada jita diiyadaju day.

Judenu Jnutu jachipiyajadamuju jita vujechipiyasara tarijyu jnuvadaju day, samiy vichasadaju jarye risaju. Tapi vutyi jachipiyasara vudyirya jachipiyajadata vuvyicha Judenu mityasivyeda variy, jiryatimyu ne vuchaburyuy sutedamu, dantyamuy ne vanay nta vuchabuy ramusiy. ⁸ Rityi vichasara jidyirya jachipiyajadamusiy, ne vanay ruvaarya Judenu jachara variy. ⁹ ¡Jirye ñita jidyirya jachipiyajadamusiy vichavay! Judenu Jnutu jachipiyajadamusiy vichavañuma jiryedye, savidye vichasara Judenu Jnutu jiryiva. Ne vuvyicha Crístu siityarivay netimyu ne Suntutì davyuy. ¹⁰ Crístuvidye jiryimu, jnuñu day jiryintu varidye, jiryatiy suteda Judenu samivye daryaju jirye varidye; jiryevyu jita dii juuchuvedamusiy varidye. ¹¹ Savidye vichasara jiryiva Suntu ñitiy misadedani Jesús diibyimusiy, sajnutyanirya jiryevyu diiyasara jaryentiy, Yintuta, ñitiy vichasara jiryiva.

¹² Ramuniday, ratyeryiveda, ne vudyividyevyuy vuryatidye jvaarya vudyirya

niruchara day. ¹³ Tapi vutya vichasara jidyirya jachipiyajada jiyadaju, vuryadiichara variy rucosiy. Vutyi paruy riva vudyirya jachipiyajada niruchara, Judenu Jnututa, vuryajnuchara variy.

Daryaniday vuryicha nutyu Judenu dadyeñu

¹⁴ Muvyeñintiy racha Judenu Jnutumusiy datyanusavay, riñi jita racha sadadyeñu varidye.

¹⁵ Tapi vuryimutyajada simusirya nutyunuma sadadyeñu nta varivyuy, ramutiy vuñiqueta variñi: Taty, vuñuma suvuntyiñi nutyu tariy vuchuvuyada nutyu muchechimiyi. ¹⁶ Judenu Jnutu jita jtay jidchavu vujechipiyajadamuju, sitenu Judenu dadyeñu vuy.

¹⁷ Vutyi vicha sadadyeñu, vuryajmutyanuve variy titajura sabarya, vuryajmutya jidchavu sadenu Crístu tara, variñumatiy vudyetyara jarupantasada mityiji sisa, vuryatidye vichanuvesara vandamu sisa varintiyi.

Tama taji ranicha vupyarutyada nuday, mitya vuñi jachipiya: Samirya sivaay Judenu vuryajiju

¹⁸ Rajechipiya jita jiryatiy ne vuryajachipityara vuryarupantasada jiyu nuday, vuñumatiy diy riva vanda jiryatiy Judenu radityanusara jarichumu vujyura. ¹⁹ Tapi Judenu judera rani jaryuvuy jachipiyajadamusirya sadadyeñu dityanusada day. ²⁰⁻²¹ Rantuchara jaryi

niruyadamu, jiryatiy vuunusara daryaju mitya jarupadodamura, Judenu jtedamujura, (Arabay juuchuedamusiy), ratidye nutuy rajiju yimuryasada, yavatyasada jubivaju, jiryatiy sajmurya Judenura, daryaday sajmurya varintyiryi jidyedyeñuntiy juuchuedamusiy,

vandamu vichadaju. ²² Vudyetya yinuy jiryatiy ratiñasara judesara titaju, nutyu rupachoda nuvadedamu ratiña diyesaraju ramomusiy, vadi judesara momusiy. ²³ Ne vinu judesara tiiñasara, vujeryentiy jiryatiy vuyntuñuvesarara vuvyu jmuryasadantiy, jiryatiy sasay vadira vuvyuvaju vuy, sanumatiy jmutyanuvi pariche jidyedyeñuju vuy. Sajotada jmutyajada Judenu vuy sasayadanumatiy Yintu rajotadamusivvuy. ²⁴⁻²⁵ Vuyntuyadamu yinuy saramityaniy vuryivara, tapi jiryatiy vadicharanuma daryaju darya, ne vuyntuy variñundyerya. ¿Tajuna vuryanutuy rajiju nuday jiryatiy vudyimya riva day, taju? Jiryatimyu ne vadichara didyerya, rani jita vuyntuchara tapi day.

²⁶ Daryantiy Judenu Jnutu jmutyasara vudyiroyvedamu vuy, tapi ne vudyetya nutyuramusiy vuryijechiñuy tara siva Vuryindenu, nutyuramusiy, niday Suntu jachiñuy vuryeyadaju jitiiñajadatara, jiryatimyu ne vanay vuñiquesarara. ²⁷ Nini jita nitiy diy titaju riva vujechiy, nini datyara Yintu jachipiyajada, jiryatiy sajachiñuy vuryeyadaju, jiryatiy Judenuju jiintyasavay daryaju vacha vichadajisidyevyuy. Sajachiñuy jita vuryeyadaju daryatiy savata Judenu darya.

Sitenu vujyusaranuma daryaju darya canayada Judenu jtedamuju day

²⁸ Vudyetya jita sivaachara Suntu titajumu vuryisa, Judenu vatavatya. Samiryaju sivaay titaju vujyura, tapi vuvyicha Judenu natuvye, jiryatiy sanatuvyuy, vuryatidye vichajayasara

sisá variy. ²⁹ Jiryatiy tarimya sadatyanuḡyada vuryaday tuvachu simu, sabayada jityaju varivyuy vuryatidye vicha nuḡtyu savichasara sadenu Jesús jantyasi nta daryá variy, satidye vichasara Jesús rajuu vutyeryiveda munatyiju varintyi. ³⁰ Jiryatiy sabayada jityaju jidyedyeñuju vuy, sanatuyada jita risajuntivyuy. Jiryatiy sanatuyada vuy, suteda variy samivye risaju vuy. Jiryatiy suteda samivye vuy, sabayada vandaju varintyivyuy.

³¹ ¿Tana vuryajtay rivasiy, ta? Judenutiy vuryeyadaju, ¿china rasiryisara vuryeyaroju, chi? ³² Netimyu ne subayada Judenuni jidyenu vuryeyadaju, jiryatiy sasayada jita vuryeyadaju titajuni, ¿nutyuramusimyu ne sasay titaju tara sisaju vuy, nutyuramusiy? ³³ ¿China ratuchuta vuy, chi? jiryatiy Judenu jaryetavay daryaju vuy. ¿Judenu dyetya nitiy vasedoda vuy? ¡Ne dyetya! ³⁴ ¿Chira rachaniy tara vujyuuchurvediva nudavyuy, chi? ¿Cristu dyetya nitiy batyeda vuryeyadaju, jadchintyi samisadivasiy yasubeda Judenu nutyityudamyuju, jadchityi sajachiñuchara vuryeyadaju sivantiy? ¡Ne dyetya! ³⁵ ¿Tana rajiintya Cristu vatadajisivyuy, ta? ¿Jarupadoda dyetya? ¿paruchariy dyetya? ¿javittuyada dyetya? ¿jachijada dyetya? ¿sidyavu vichada dyetya? ¿suvuchara dyetya? ¿Va jchityitya munuta dyetya? ¡Ne tara nta mitya nuday! ³⁶ Nuḡtyu nuḡchara day:

¡Ridiy jvaryuchi nudyiva, judaca ruvajeyasara nuḡy, jiyadaju, Yeye!

³⁷ ¡Ne! ¡Ne ti rajiintya savatadajisivyuy!

Simusiy j̄ita n̄it̄iy vaṭada v̄uy, v̄uryivyaju j̄ita vichasiy vuunuvay t̄it̄aju darya jantyasaramu. 38-39 Radyetya s̄itenute daryaju, ne vanay nta rajiintyatan̄iy tara v̄uy, J̄udenu vaṭadajisivyuy, jiryatiy savata Vuyntyityu Jesucristumu v̄uy. Dantyamuy ne diiyada, dantyamuy ne jnuyada; dantyamuy ne J̄udenu jpavay, dantyamuy ne bayantu nutyityumiy; dantyamuy ne jiryatiy ravichasara diye tara, dantyamuy ne jiryatiy rachasara tarundamuntiy; dantyamuy ne jiryatiy vanuyada datyadatavaryi; dantyamuy ne jiryatiy navay vicharara, dantyamuy ne jiryatiy mucojariy vicharara; dantyamuy ne ratarya judesara tara, ne vanay nta rajiintya tara J̄udenu vaṭadajisivyuy.

9

Rivyichasara Judiyuveda J̄udenu jaryetavay

1-2 Ritay j̄ita s̄itenu Jesucristumu, raquivuchutya, mityamusiy radyetya rajechimyu J̄udenu Jnutumusiy: Jaryi rañuvay, ne rapyaruryuy nuvayada rinchiy ratyevay, Irayenuveda. 3 Raryi n̄iruy daryaju riyadaju, saryi jiyarõnu Cristu ray, raryi maçho jiintyasi sajisiy riyadaju, sañuma vichaniy J̄udenu tara variryi, jiryatiy rirrachu daryajuni sadenu Jesucristu, ne yinuy s̄itenu ratyevay nuñindesadamudayu. 4-5 Riy j̄ita vichasara Irayenuveda. Riy j̄ita jaryetasavay J̄udenu dadyeñuju day; sadyadoda jidya riy; sabayadara yiteda riyadaju; sasayada jiñiquejada nuçhara riy, rivyichadeda saradodajuyu; sadyadoda rivara

nutyuramusiy vuryajachipiya sanijyu Judenu, nutyuramusiy, nutyuramusiy vuryajvaachara saju, nutyuramusiy; suteda yajvaay samirya riy; rimumunatyavay rivyichanuyada Avurabay, Isacubay, Jacobubay jaryentiy; sitenu rityenu savichasara Cristu, titaju Nutyityute, Vuryindenu jchanatyasite, taricharaju. ¡Daryani rachasarate titaju!

⁶⁻⁷ Dañumamuy ne vuryitay jiryatimyu ne ritotaniy Judenu jtedara jivyatara. Ne rivyicha Judenu jaryetavay daryaju day, titaju jiryatiy Irayenu judevadyeryi, daryantamuy ne vuryitay Avurabay judevay titaju riy, jiryatiy rivyicha sadadyeñu, Judenu daryaju jteda siva Avurabay: Jiryatiy yindeyavay Isacumusiryi, rajtay sitenu yindeyavay variryi.

⁸ Vuryitay rata jiryatiy Judenu jteda Avurabay dadyeñu riy, vinu rityi rupaya Judenu jtedamu; ramunimuy ne rivyichasara Judenu dadyeñu titaju jiryatiy sundejada Avurabay jivyumusiryi.

⁹ Judenu jteda yinuy siva Avurabay:

Darya rundamu racha jiyuntiy, detinuma sacha jivyatura Sara varyi.

¹⁰ Ne vinu ramusiy vudyetya chavay vichasara Judenu dadyeñucu, ne yinuy Sarajube denu, vumyunatyi Isacu jita, nini detuchuni jivyatura Rebéca day.

¹¹⁻¹² Sarupachodajisiñada parunasijyuy, Esavú, Jacobu jarye, suteda Judenu Rebécabavya:

Jijyottya racha jityeryi cumude.

Suteda darya netimyu ne nanurupeda parunasijyuy didye, netimyu ne nadivaacharara samirya didye, vacha vichada jarye, ratidye

machō Judenu vātara vadichara vujyū, jiryatimyu ne sajaryetani niyami yivaayadiva; sajaryeta jītanī nītiy sanaturyūy. ¹³ Darya nūchara nīday jiryatiy sūteda Judenu rivasiy Madaquíyabay jtosirya:

Ravyātasara riy Jacóbuveda, Esavúveda jīta ravittiyuchara day.

Savichasara Judenu vase vichara tītaju nijyanvajyū

¹⁴ ¿Vuryajtay dyetya ramusiy ne dyetya vaseni Judenu? ¡Ne dyetya! ¹⁵ Sūteda daryaju siva Mui-sésibe:

Rajantyutyani, nītiy rajantyutyaryūy; rajantyuy siva, sivatiy rajantyuryūy.

¹⁶ Ramunī vūdyetya sajaryetasara Judenu vinu yentyutyadamu vūy, ne sajaryetasara vuñiruyadamu vūy, daryantyamuy ne sajaryeta vuryivaayadiva vūy jiryatiy vuryivaay parūcharimiyusirya. ¹⁷ Tapi Judenu jteda siva Aravūbay, Mui-sésibemyusiy:

Ramu jīta rabeyada nutyityujū ji, ratidye dityanu mityamusirya radyetyada yimu, ramutiy ravichaniy darya ji, riryatidye tūchunumayara rītya tītaju mucadiva.

¹⁸ Ramunī vūdyetya santyuy Judenu siva sivatiy santyuryūdye, sasurūtyaniy vacha jvaayadamujunī, nītiy sasurūtyaniryūntyidye.

¹⁹ Yajtay dyetya variy riva: ¿Nutyuramusiña sayasay vanīra vūy, nutyuramusiy? ¿chīna rañi vanūtya yitay raju Judenu vatarayu, chí? ²⁰ Ritajanu varintyi ji: ¿Chīra yitay ji, chí? yatīy jmutya yindenu nijyū. Ritajanuvīy judesarani

yindenu: ¿Taraju yinde darya darye, taraju?
²¹ Saryintya jvaayasa jiimo jvaanu tapuqui nandiipumusirya tanuqui japatyu, tatoqui ramu mutityo risaju. ²²⁻²³ Daryamusiñi dyetya sadytanuruy Judenura jñiqueyada juuchueda jchaju, sundevay jarapuvyemyu jidyitanura. Sadytataniryuy parutasavamyura jivyanuyada, dañuma sajachideda parucharimyusiy rijyuyu. Jadchintyi sadytanuruy jantyutyasavamyu titajura jidyá, jiryatij sudutyánuma vuryajiju darya. ²⁴ Vujyu jita darya, jiryatij sanatyada ramuju jidyá vuy, ne vinu Judiyuveda jsasiy sanatyada, ruvay jsasintyi, jiryatimyu ne Judiyuveda daryi. ²⁵⁻²⁶ Darya saniquejada Josiyabay catera padyemyu:

Rajtay rañijyanvaryi rityimyu ne rañichada rañijyanvay; jiryatimyu ne vatasavay riñichada, rajtay ravyatavay varintyiryi. Jijyomu jita jasityi suteda tariy ruuva: Ne jiryecha rañijyanvay, jasiy vichajomu day riryajtay rinchintyi: Riñi vichasara Judenu dadyeñu jiryatij junareju jnuvyeryi.

²⁷⁻²⁸ Satuchoda Isayiasibe vijyomujache Irayenuvedanchiy:

Dañuma riryajasay Irayenu dadyeñu rajuuju nutyu tichajuru saraju, riryaramitya vinu rityevay, jiryatij sajtotanij varenu jaryuve Nutyityura jñiquejada, jiryá mucadincha.

²⁹ Daryanj satuchoda Isayiasibe rajisintyi:

Netimyu ne samachotadedá jarichu sutarumij nutyityu riy tavay vuryindebimijyu, vupyarutayetye variy, nutyu raparuteda vichada, Sodóma jtya tara, vuvyichavate

variý daryantidye, nuṭyu Comórra
paruteda daryantiy.

*Ne rityuvachuruyada Judíyueda
samituḥodamu*

³⁰ ¿Nuṭyura vuryajṭay variy, nuṭyura?
Jiryatimyṭ ne Judíyueda daryi, riñi jṭa
saryedara jiryatiy sṭeda Juḍenu vase
vichavay rityuvachodamusiyu, dañumamuy ne
rivyaṭanuyada ranachḥ. ³¹ Irayénuveda jṭa rañi
vaṭanuyada ranachḥ day, ne ridyi riva samirya
vichasada Juḍenu diya, ne vinu niquejada
jṭotadedamujṭ. ³² ¿Nuṭyuramu ne vanay,
nuṭyuramu? Jiryatiy ridyirya jvaayadamusiy
jivyatada ranachḥ, va rityuvachodamu jiñi vaṭara
cay. Ricyasínuyajada nta sanchasiy ravichṭ,
jiryatiy casinuyası daryajuni Cristu rijyu, ne
ridyetyaruyada daryajura jiryatiy sabatyeda
crusityasa riyadaju. ³³ Darya nuḥarani daryaju
sanchiy Crístu darya:

Jiryajnuṭy, rabe rañijyanvay vichadamuni
casinuyası ravichṭ, rabe Siyómuni jamu
ravichṭ nuṭyu taanu rijyu, dañumamuy ne
riryajada variy ranchiy rityi tuvachu simu.

10

¹ Ratyeryiveda, ratyuchusara sisa Juḍenu
riyadaju ratyevay Irayénuveda, rajechipiyasara
riyadajuntiy, riryatidye ramityaniy variy yivara
jijyuuchueda. ²⁻³ Tapi ratyuchu riyadaju,
jaryi vaniravay Juḍenu jiyadaju daryaju daryi,
va ridyetyadamu jiñi siryi ranachḥ Juḍenu
jachara cay, tapi ne richaburyuy daryaju

Judenu vasedodiva, jiryatimyu ne ridyetyaryu daryajura jiryatiy suteda mitya samivyevyuy, riberyurya jidyirya jvaayada rubivaju, Judenu jteda. ⁴ Tapi supajada Judenuni Crístu jiñiquejada jtotededaju, vuryatidye sarye varirya jiryatiy suteda samivyevyuy, titaju jiryatiy simu tuvachuvadyevyuy.

⁵ Tapi sanuyada Muyisésibe ranchiy jiryatiy vuryi saryera samiy vichasada Judenu diya, jiñiquejada jtotededamuju:

Nitij totanirya, niní rajnujeyasara ramusiy.

⁶ Niní jita jiryatiy sasaryera samiy vichasada Judenu diya jityuvachodamusiy, sutay variy nutyu taríy nuchara day:

Ne yajtay jiejchipyajadamu: ¿Chira rajasumiy jarichumuju, chí?

santantye puchiy rumusiñi Crístu. ⁷ Dantyamuy ne yajtay:

¿Chira rajmusa ravimu suvuchara, bayantu vichajo, chí?

santantye puchiy diibyimusiñi Crístu cay. ⁸ Sani jtay jita:

Ne ripyate ranicha samituchoda jiryajisiñuday; jiryitomu risajura, jiryejchimy jarye.

Rani jita sitenu Judenu niqnejada day, jmu tuvachusara jita, jiryatiy nutyuchujayasara darya. ⁹⁻¹⁰ Tapi jiryetyi tuchu vijyomujache: Niní Jesús Nutyityu, jiryetyi tuvachu jiejchitya variy ramu jiryatiy Judenu misadeda diibyimusiñi, jiryaramityaniy variy yivara jiyuuchurveda; tapi vujechitya yinuy vutyuvachu vase vichasadaju, jiryatiy sutay Judenu samivye varivyuy, vuyjuta vutyuchu vijyomujachera vujechipyajada,

juuchurveda ramityadedaju. 11 Darya suteda catera nucharamu:

Titaju rityi tuvachu simu, tama riryajada varyi sanchiy.

12-13 Jidchavu yinuryi Judiyurveda rusa jiryatimyu ne Judiyurveda daryi, tapi niday ranicha nutyityu titaju rijyuntiy. Nini vichasara jaryi jantyutyara daryaju rijyu jiryatiy rihatuy jantyutyada ramityadedajuni, tapi nitiy vatanimucha ranacho jantyutyada sityamu, sajantyuy Judenu varyi siva.

14 ¿Nutyichiña vuryivyata jantyutyadanacho, nutyichiy? tama vutyuvachu simu didye, tama. ¿Nutyichiy vuryatuvachu simu, nutyichiy? tama vutyuvachu sanchiy didye, tama. ¿Nutyichiy vuryatuvachu sanchiy, nutyichiy? tama ti rani tuchu didyerya, tama. 15 ¿Nutyichiy riryajiya tuchuvay mitya, nutyichiy? tama jpasavay rianicha didye, tama. Darya nuchara niday: ¡Jaryi samirya niday rutijadamu samirya tuchuvay!

16 Dañumamuy ne rini tuvachuruy titaju ramu samituchoda, tapi saniquejada Isayiasibe: Nutyityu, ¿chira tuvachu ramu vutyuchoda, chi?

17 Ramuni vudyetya vutyuvachu simu varyityi vutyuvachu samiy sanchiy Crístu, jiryatiy rityuchu tuchuvay varyi sutedamu.

18 Ritajanu jita jadchiy: ¿Neviy rityuvachoda? ¡Rityuvachodajuú!

Rurayada ransada titaju mucadiva, ritojada riñiquejada titaju vichada ramuryivaju varyi.

19 Ritajanu jitantiy: ¿Neviy ridyetyada Irayenuveda day? Suteda Muyisésibe munatya Judenuju:

Sanunutyataniy Judenu riva riy, ratarya ni-
jyanvatya, jiryatimyu ne rutay nijyanvaryi.
Jivye nijyanvay raniquettaniryi.

20 Isayiyasibe jita tuchoda jichuvuyasadamu
Judenuju varyi:

Richeryerye rityimyu ne vatanuyada rañecho;
radyityanu rirye rityimyu ne rañi jtajanu
riva.

21 Jadchiy jita suteda Irayénuvedanchiy:

Judaca rañatuye daryamusiryi nijyanvay siitye-
jasamiy, jmutyajajadacanimiy jarye.

11

Judíyueda jnura raramityasara

1 Ritajanu jadchintyi: ¿Sarrachumumya dyetya
Judenu riy jiñijyanvay? ¡Ne dyetya! Ray jita yinuy
Irayénu nijyamí day, jiryatiy savichanuyada
Avurabay ramyunatyí, ririñu jita Myijamí day.

2 Tamá sarrachoda Judenu riy jiñijyanvay, tamá,
jiryatiy sajaryetanuyada tariy rajotadamusiryi.
¿Ne jiryedyetya nutyura ranique cetera nuchara
Edíyasinchiy jiryatiy satuchutada riy Irayénuveda
Judenuva? Suteda Edíyasiy varyi:

3 Nutyityu, rimyunumumya riy jiiyyu tuchuvay,
riryavatyamara jiñijyu jachipiyajo. Vinu
rañuma rañi macho rasiquita jiñijyamí,
rivyatánuma rañechontidye, ruvedaju.

4 ¿Nutyura jita sumutyajada Judenu variñi,
nutyura? Suteda:

Rabemya rajyu riy darajuñijyate varanca vaduy
rityimyu ne jadasidyoda Baádu jantyasi
nachojuyu.

⁵ Daryantiy diye rundamu n_umech_o n_udyeri, jiryatiy savatadamu jineryetada n_udye. ⁶ Mitya savatadamu jineryetada n_uy, ne n_udyivaayadiva. Ne yin_uy, saryityi jaryeta n_udyivaayadivayu, ne ramach_o variy mitya savatada. ⁷⁻⁸ ¿Nutyura diye, n_utyu? Jiryatiy riñi vatada Irayénuveda samirya vichasada nach_o, ne ridyiryu_y nta riva; vinu jaryetasavay jita diy riva. Tavay jita machojada jamirya jachityavay mitya rajisiy, darya nuchara niday:

Sabamya Judenu n_utyu niyubiyi vichadaju riy, puryesara riñisiy riñuma diy riva, rityu_y jarye riñuma tuvachu, diye saraju titaju daryára.

⁹⁻¹⁰ Suteda Davyibe risajuntiy:

Sama titunu Judenura samirya rivyichada taanumu jiyu, riryatidye jatyá raniy rasurutya, jasiñuma ramurichevay variy. Sama jinuputyaniy riñisimyu rajisiy riñuma diy riva; sama tasaquinutaniy rajidyedata rijyuuchurvedayu.

Judenu say rijyura ramityadeda jiryatimyu ne Judíyurveda daryi

¹¹ Ritajanu jadchintiy: ¿Ricyasinuyajada dyetya Irayénuveda jinotedaju titaju? ¡Ne dyetya! ¿Jiryatiy rirrachura Crístu batyeda, riryabaryi dyetya rucosiy? ¡Ne dyetya! Ricyasinuyajadamusiy jita ritojada jantyutyada ruumu, jiryatimyu ne Judíyurveda daryi, riryatidye jnunutya Judíyurveda varirya, riryani_ruy varintyirya darya jantyutyadantidye. ¹² Ranitiy vichasara jaryi samirya Judíyurveda casinuyajadivasiy, titaju

mucadiva vichavajyu, ranĭ nta jaryi samirya ricyovedivasiy rijyu jiryatimyu ne Judíyueda daryi, jaryivyaju samirya racha riryānumatiy tuvachu tĭtaju Judíyueda, riryatidye sarye varirya Judenu vatara jijyu.

¹³⁻¹⁴ Rañique diye jiryiva jiryatimyu ne Judíyueda jiryedye: Jiryatĭy ray jĭta vicha Jesús nusubyi rijyu jiryatimyu ne Judíyueda daryi, riĭchanatyara rivaayada, ramutiĭy dyetya riryānunutyā ratyevay Judíyueda riva ray, riryatidye ramitya variy rityé.

¹⁵ Rijetyasadanumatiy Judíyuedayu, rudutye tavay nijyānvay variy sisaju Judenu, jaryivyaju riryimutyasādivasiy racha nutyu misasubeda diibyimusiy vadi jnyadaju, jiryatĭy riñicha diiyasavay jiyuuchavediva.

¹⁶ Jiintyasaratiy Judenujura rajottya jarya jmyichara, varityi vuche sayarurya Judenuyu, ramacho jĭta jiintyāsara tĭtaju saju varidye; jiintyasaratiy ravicha runtĭjyuuntĭy, darya day racha rajiintĭy. (Jiryata rabeya daryá; jiintyasitĭy Judenujuni Judíyueda munatyĭ, daryani rivyichasiy Judíyueda tĭtaju, Judenu jaryetada jiñjyānvajyu daryaju riy. Vuryajachipiya riñjyu Judenu jaryetavay nutyu ninu nutasara. Runtĭjyu jĭta Avurábadye, rajii jĭta sundevay Judíyueda day.)

¹⁷ Sapatacheda jĭta Judenu rajiite, Judíyuedate, sarupadeda variy tajii rubivaju jiryatimyu ne Judíyueda jiryedye, nutyu tova vichara ninujii sarupadeda rubivaju jiryē. Jasiñĭ jiryimutyā vatajuu rusara raricha, runtĭjyuuricha, junare jnyadaju, jiryatidye jontay variy jiryatĭy

jiryevyicha samiy jvaavye daryaju Jüdenuju.
¹⁸ Ne jiryajchanatya jii patasaranijyuyu. Jiryetyi jchanatyaruyu, jiryajachipityara jiryatiy ne jiryejyevyechura runtijyuu, darya vuryitañi Judíyueda munatyí, rani jita javyechu jiryedye.
¹⁹ Jiryítay dyetya jadchiy: Patasara dyetya rajii vuryajiju. ²⁰⁻²¹ Sitenu niday. Patasavaryi jiryatiy tuvachusamiy daryaju daryi; jirye jita rupanichavay jiryetyuvachoda jiyadaju. Ne jiryajnunutya varyu; jiryasuvuy, tapi netimyu ne santyutya Jüdenura sitenu rajii, daryantyamuy ne sajantyutya jiryentyidye. ²² Ne jiryinuy, samirya jvadirya day sanicha Jüdenu, jadchiy jita samirye mityamusintyi. Saniqueyada mityamusiy riyaroju rajii patasavay, jiryejyu jita sanicha samirya jvadirya jiryetyi macho titaju simu tuvachuvay, dantyamuy ne sarotya varyi jiryeñuday. ²³ Patasarajii jita rityi paruyada riva jityuvachoda, sarupaniy jita Jüdenu varyi rubivajuntiyu, Jüdenu yinuy datyara rarupanichada yibivajuntiy. ²⁴ Jiryatiy jiryevyichanuyada nutyu tova vichara ninujii, sarachada Jüdenu varyi jirye satidye rupaniy varyi nutasaranu jiju varyi jiryentyi, jaryivyajute sarupánirya nutasaranujii yibivajuntiy, jadchityi sapatara.

Tamitya rundamu riryaramityasara Judíyueda titaju

²⁵ Tapi jiryeñuma jachipiya jaryi datyavay jiryedyirya dayu, ne ravyata jiryamachó datyisamiy ranchiy, jiryatiy sadytanu Jüdenu rinchiy Irayénuvedara, jiryatiy richuruchodara

jijechiy rajisiy Jesúsmu tuvachoda, rarunda saraju varityi riryajayasiy rajuumusiy Judenu nusujyovimu jiryatimyu ne Judíyurveda daryi. 26-27 Variñi jita riryaramitya Judíyurveda titaju riryānumatīy tuvachu variy simu, nūtyu nūchāra niq̄ue daryá:

Siyómusiy jita (Irayénuveda tenu) samuti vuryeyada ráñujusi. Niñi rajatya Jacóbubay judevavyasirya vacha vichada. Rijyuni jita rajtotanicharara sitenu ritēda, sutēda Judenu, varityi rapurya rijyuuchurveda titaju yivasiy.

28-29 Ratidye juray samituchoda jiryeyadaju, rivyichasara Judíyurveda javittyuchavay Judenuju; ratidye machosara rijeryetasada Judenu jtedamuju, rivyichasara vatasavay jimyunatyi jiyadaju, satidye jatyi jmutyajada variryi, tama sutay Judenu tara variñuday jiryatīy jicheyadara tara, jijeryetadani ti daryaju.

30-31 Daryatīy jiryevyichada tariy tuvachusamiy Judenumu, santyutya jita diye jirye, jiryatimyu ne rityuvachuruy Judíyurveda simu, daryadantīy jiryatīy rivyichasara Judíyurveda tuvachusamiy diye, riryajmutya rivasintyirya jantyutyadantīy, nūtyu jiryimutya daryantirya. 32 Tapi sadytanumūmya Judenu jidchavu titajuriy: Judíyurveda, jivyentyi jiryatimyu ne Judíyurveda ntidyeryi. Rivyicha tuvachusamiy titaju, satidye jantyutya jidchavu titaju variryi.

33 iTa jaryi rajuura nite Judenu datyada jaryetadaju! iTa jaryi datyadatī niday, taju! Ne ti datyadasara taranachōju sivaachara tara, taranachōju; dantyamuy ne ti datyadasara mirya

núvasiy sajtotanirya jivyatara. ³⁴ ¿China yinuy datyara Nutyityu jachipiyajada, chi? ¿China radatyanuni, chi? ³⁵ ¿Chira sayada munatya tarani, satidye say variy Judenu tarantidyeñi? ³⁶ Simusiy yinuy titajura, savanutyadata rasuruy tarijyu, jiryatiy saju darya. ¡Vandate rachajayasarate sanijyu taarye! ¡Jasiñuma racha daryá!

12

Nutyu ranicha vadi jnuyada Crístumu vujyu

¹ Ramuni rayasanta jirye, ratyeryiveda, jiryatiy santyumya Judenu jiryiva, jiryajnutatyara jivyu simu, daryatiy sasayada Jesúsra jivyu vuryeyadaju, sabatyeda variy vuryeyadajuntiy. Daryantiy jiryajnutatya jnuvye simujuyu, jiintyasavay saju, jiryatidye jvaay sichanayadaju. Jiryantya siitye jiryevyatadamu saju, ne jiryinuy jidyivi daryamusini. ² Ne jiryajudera jijechipiyajada, daryaday ranicha diye runda jachipiyajadantiy; jiryajanumityara tariy jachipiyajada vadirajisii, jiryatidye datya varirya Judenu vatara, jiryatiy samirya darya, jichanatyajarye, ne rasutyechara tara varidye, mitya.

³ Tapi daryatya sasayada Judenu mitya rivaayadaju tara ray, ritay nuñi tiquimusiy jiryivantiy: Ne vuryijechipiya jaryi vuñijyu vuy, jiryatimyu ne darya davyuy; vuryajachipiya jita datyada jachipiyajadata, daryasarajutiy sasanunumayajada Judenu vujyura jijyu jvaayada jachipiyajada, ramutiy vutyuvachusara simu. ⁴⁻⁵ Daryani yinuy tiquimusiy ranantaya

rajuura jvaatyá, jadchiy jíta rivasiy rasiquityaja tara vacha jvaatyantiy, daryadantiy, dañuma vuñicha rajuu Judenu siityarivay, Crístumu jíta vuvyichasara tiqui day, vuryatidye jvaay jityojomura sivaayada variy. ⁶⁻⁸ Jaryi jaryedo jvaayadatavay daryaju vuy, daryatiy sasayada vuy, vuryajvaay samirya jachipiyajadata ramu. Tiqui ratuchu Judenuju, jasicharajutiy sajachipiyá saniyu; nuntiy rajmutya samirya riy jityevay; nuntiy radatyanu samirya datyadodata; nuntiy ravanutyanyiryi rityi paruryuy riva; nuntiy rasay tara samituchoda jurayadaju, taji jachipiyajadata vitya mitya; nuntiy rajnutyasara riy jvaavye vaniraju; nuntiy rajantyutya yichanayadamu riy jantyuyadavay.

Vuryajnuj nutyura vuryavicha vadi vichadamu Crístu jtedamuju, nutyura

⁹ Ne vuryavata vuryituyadamu vuy; vuryajavittyucharara nicyaray, vuryecha rupanichavay samiryamu. ¹⁰ Vuryavata samiryamuju vudyevyuy nutyu vuyatasaratiy samiy nuñi taryivedantivyuy; varityi sitotaniy vutyeryira samirya jvaayada, vuñi rajchanatya munatya rivani. ¹¹⁻¹³ Vuryecha jaryi jvaavye, ne pituvye; vuryintumu vuryecha vaniravay; vuyntyityuju vuryecha nutyu muchechimiyi siityevay; vuryajchanachara vuyntuyadamu; jaryi parucharinube vichasara, vuryajachiniy tapimusivyuy; vuryajiriryisarara Judenujsa tuchoda; vuryajmutya riy vutyeryiveda, Judenumu tuvachuvay tarata ratiy sutyeryi; vuryajiriryi samirya vichatadedada riy jañuvye.

14 Vuryatuchu sisa Vuryindenu satidye vichaniy samirya variryi rityi jarupanu vuy; vuryajtay samirya ruuva; ne vuryajavityiyeryi.

15 Vuryajchanay rusá jchanavye, vuryajunay rusá junavyentyi.

16 Vuryajachipiya sanijyu vutyeryi daryatiy vuvyata sajachipiya vuñijyu; ne vuryajachipiya: Sayadajunuma ray. Vuryajvaay vatajuu rusá jantyuyadavay, ne vuryajachipiya vinu vujyu. 17 Ne vuryechaniy nicyarañi nityi vichaniy nicyaravyy. Vuryajantya jvaayadara jiryatiy samirya nijyanvay diyara.

18 Va vuñiday, vuryavichasara samirya variy rusá titaju.

19 Jiryatiy rivyichaniy nicyaray vuñijyu, ne vuryataryataniy nicyaratya riy, ramacho mitya. Jasiñi ramacho saju Judenu, ninuma rajtotaniy vujyu dárya, tapi nucharanuma daryaju darya saniquejada day:

Rajyunuma racha jtotadeda day. Ray jita ramurichenutaniy varirya, sutay Vuyntyityu.

20 Variñumatiy jita sachi vumyityasiy, vuryapotyaniñi; sanumatiy jchumuy, vuryajattaniy varintyiñi. Darya jvaayadata jita vuryajantaniy variñi, samo randavuvay variy yanadamu. 21 Ne vuryasabonityaniy ramusivyy, jiryatiy ruvaay tavarya vacha jvaayada daryaju; vuryasaboniy jitara nicyaray jvaayada samirya jvaayadata.

13

Vuryantya tuvachu ruumu vuyntyityuveda

¹ Vuryecha sabuvye rijyu títaju jiryatiy rinsuy jiyu vuy, Judenumusiy yinudyerya nusuyada day; jiryatiy ravichasara nusuyada, daryanuma sabayada Judenu darya. ² Daryamuniday nítiiy jiyarónura nusuyada, savicha Judenu rabachada jiyarojuntiy, sajmutyasara varirya taji vichadeda variy. ³⁻⁴ Japu jíta ne suvuchi saju nítiiy jvaay samirya; nítiiy jvaay vacha, suvuchi variy sajuni. Netimyu ne jichuvuryurya nusuyada, yajvaarya jiryatiy samirya darya, satidye jchanatya nusuyada jami variy riva ji, Judenu jmutyi daryaju ni, satidye jmutya samirya jvaayadaju ji. Jiiryityi jvaarya nicyaray, yantya suvuy, mityaviy yinuy sutura podisiyase. Savichasara yinuy Judenu jmutyi, Judenu niqeyadata sachaniy tarani vacha jvaarya. ⁵ Vuryantya sabuy variy riva nusuyada, sañuma vichaniy Judenu jmutyi tara variy riva vuy, rañuma jarupanta vujechiy variy riva vuy. ⁶ Ramunítiiy, vuryantya murichenura jiryatiy rivyata nutyityumirya ramurichirya riva, varimyata criqui, varimyata jvaayada, tapi rivyicha Judenu muchechimyi, riryatidye jnutya samiryara nijyanvay vichadeda. ⁷ Vuryasañi nuñi tiqui nusuñu daryatiy vudyivyiñi: nítiiy vata criquiñecho vuryimu, nusuyada murichirya, vuryi say variñi; nítiiy vata jvaayadaju vuñecho, vuryi jvaay variy vuvyichada jdutyadaju; nítiiy jpara yiteda vuryimu, vuryi tuvachu variy ramu; nítiiy vicha japu, vuryi jnuy samirya sanacho.

*Vuryantya vichaniy samirya nuñi
 tuvachuvajyuu vuy*

⁸ Ne vuryaparuy murichedodara vudyivyi varyi. Vuryi vatasara jaryi varivyuy, ne jiryinuy vuryitotanirya Jüdenü jteda day jiryatij vuvyatani vutyeryi nijyamı, dañuma sacha ti. ⁹ Jiryatij suteda Vuryindenu:

Ne yarupi ti vaturujsa, ne yajvay ti, ne yaparanu, ne yajnuj jıñiruyadamu ranacho ti barya, mitya;

sutedara ratarya niquejadantij; vuryajtotanij titajura jiryatij vuryitotanirya taraqui saniquejada, jiryatij sutedantirya:

Yantya vatani jityuunu vichij, nutyu jivyatasara daryantij ji.

¹⁰ Varityi vuvyatani vutyuunu vichij, ne vuryechanij taji nta variñunñi, ramunij vuryitay: Jirya vatadamusij vuryitotanirya Jüdenü jteda titaju.

Ne tarijyu nunrya Vuryindenu jteda runda nuday

¹¹ Ranchajuntij, jiryatij vudyetyanuma nutyura runda ranicha diye, ritima vuryidyosichada runda, tapi jativyenu-mara jantyutyada runda. Vutyuvachoda rundamu vudyetyada daryaju, ne ripya nudarya vuryentyutyasada runda nuday.

¹² Rabaryiruñuma nupora (juucha nupocudi), rasacharuñuma jnarya (Jüdenü jnarya). Vuryantya jatya vuryivasirya nupocudi jvaayada (juuchurveda) vuryatidye jachosij vuryivara vandajaj, vuryamityajajyu. ¹³ Jiryatij jnaryamu vuryecha, vuryarupi samirya jvaayadamu, ne vuryajcanurya rayajomu

jiyada, dantyamuy ne niyuyadacanuyada, dantyamuy ne jarupadodacanuyada, vaturujsa cadnaveda, daryantyamuy ne ratyadacanuyada. ¹⁴ Vuryantya jachu vuryivani Vuyntyityu Jesucristu, ne vuryajachipiya jvaayadara vudyirya niruchara.

14

Ne vuryi nique tara sanijyu vutyeryi

¹ Vuryantya jmutyani nitiy vadiiryonu jityuvachodamu, dantyamuy ne vuryaniquetya sajachipiyajadivayu, jiryatimyu ne sadatya samiy didyerya mirya jvaayada juuchaveda day, miryantiy samirya jvaayada day. ² Nu jita, jiryatiy vanurya jachipiyajadatini, nini jachipiya samirya day vuryejmyirya jirya jmyichara, nuntiy jiryatiy vadiiryu jachipiyajadatini, nini jachipiya ne samirya vuryejmyirya javada saviy, voca saviy, tavaryi savijerye mitya, Judenunijyu jachipiyajadamuju. ³ Nitiy rajmyi titajura, ne sarrachu variñi nitiy ne vatara, daryantyamuy nitiy ne jmyiryurya, ne satuchuta variñi nitiy jmyi titajura, Judenu yinuy jmutya dañi. ⁴ ¿China yitadye ji, chi? yatidye tuchutaruñi jityeryi, Judenu muchechiy. Sitenu santyityuju saraniy surra jityuvachodamu, varimyata sacasinuya variy. Santyityu jita datya ranityadedani, jiryatiy samirya vichadedamu saranityadedada daryajuni. ⁵ Tajiñi ti jachipiya day: Vuryajachipiya Judenunijyu nuñi tumicyu rundamu, nu jita jachipiyantidye: Ne, vuryajachipiya titaju rundamu sanijyu Judenu. Nuñi riy

yajachipiya nutyuramusiy vuryasaranura runda, Judenunijyu jachipiyajada runda. ⁶ Nitiy jachipiya tarundaqui saniyju, savichaniy samirya variñi Vuryindenu; daryantiy nitiy jmyirya tara, sibyedamu jiejchipiya saniyju Judenu, sichanatyaya variy rivani: ¡Yentyumyate jmyicharata riva! Daryantiy nitimyu ne jmyiryurya javada saviy, Nutyityu nijyu jachipiyajadamu ne simyiryurya, sutay darya siva Judenuntiy: ¡Dañumamuy ne rajmyirya javada, rajchanatyaya varintyi ji! ⁷⁻⁸ Tapi ne vuñichasara vudyirya vatadamu, dantyamuy ne vudyiichara vuvyatadamu; varityi yinuy vuñicha, vuvyichasara Nutyityu nijyu; varityi vudyiiy, vudyiiy Nutyityu nijyuntiy. Ramunitiy varimyata vuryinuy, varimyata vudyiiy, vuñicha Nutyityu dadyeñu variy. ⁹ Tapi ramuni jita sadiiyada Cristu, samisada varintyi, satidye vicha diibyimiy nutyityu, jnuyve nutyityu jarye risajuni. ¹⁰ Jiñi jita, ¿tajuna jityuchutani jityeryi, tajū? ¿Va ji, tajū yirrachuni jityeryintiy, tajū? Titaju jiryinuy vuryaraniy Judenu tuunu tuchutasadaju. ¹¹ Tapi nucharanuma Judenu niquejadamura:

Suteda Nutyityu: Daryatiy rinuy, jiryajadasiñu jita rañechoju titajuyū, jiryajtay vijyomujache radyiya: ¡Judenu sitenu vichasara vase datyara!

¹² Ramusiy vudyetya vuryatuchu vijyomujache Judenu tuunu, nuñi timusiy vuryatuchura vuryivaayada.

Jatyi jicyasinuyataniy jita juuchurvedajuni jityeryi

13 ¿Tajura vuryatuchuta nuñi vatajuu vuy, tajū? Vuryantya jachipiya jita: Ne vuryajvaay tara ratatij vuryacasinuyataniñi vutyeryi, rata niday vujyuuchanuni.

14 Ray Pávuru datya, sadatyataniy Jesucristu ray, jiryatij ravyichasara simu: Taranatya jmyichara jubachara, jiryatij mityamusij tittasara darya. Varityi vujechipiya tittasarara, ravicha variy tittasara sitenu vujyu. 15 Tapi ratij jmyirya tara ratatij rajarupanu variñi ratyeryi, ne rañichaniy ravyatadamu variñi. Vutyi jmyirya jirya jmyichara, vuryacare variñi vutyeryi Judenu nujisij. Ne vuryacaretaniy ti, chi jiyadaju sabatyeda Cristu variy. 16 Ramunitimyu ne vuryajavityiyetaniy vuvyichadedivasirya tara jiryatij sasayada Judenu samirya vurya. 17 Tapi jiryatij sansuyada vuy, ne vuryibyedajura, dantyamyu ne vuryatodajura; rajuni jita sansuyada davyuy, satidye jdutya yisaju varivyuy, satidye jtay samivye varintyivyuy, vuryatidye vichasara samirya rivasiy sisantij, satidye jchanatyanij Yintuta varivyuy. 18 Tapi nitij jvaay Cristuju darya yinsuyadamu, nini jvaarya sajachara Judenu, niday racha samirya vadichi titaju nijyanvajyuntij. 19 Ramuni vuryajiriryi jvaayadara jiryatij samij vichadaju darya, ratatij vuryajmutyasara nuñivajyuu vuy. 20 Ne vuryajavatyara Judenu jvaayada vuryimyasara jiyadasij. Titaju jmyichara racha vuryibyedaju, jubachara nivij ranicha jmyichara; tama samirya ranicha saju, nitij jmyi jityeryi casinuyajadajura. 21 Samirya jita

vujyura ne vuryejmyirya, ne vuryajatura, ne vuryajvaarya tara ratatij saçasinuaya vutyeryi variy. ²² Jiryatij jijeçhiyasa yivaayadaju, yantya jachipiya jiyuntidyerya, (ne jityeryiju) Judenu diya. Sichañtyisini nitimyu ne tuchuta ramuyu, jiryatij sani jantyama samirya vidye ranicha. ²³ Nitij jbyeda jidyetyisadamura, nini jiyasayadayu, jiryatij satuvachusadamu jibyeda daryajura. Titaju jiryinuy jiryatij vuryivaay vutyuvachusadamura tara, rani jita macho variy vujyuuchavedaju day.

15

Vuryantya jachipiya ranijyu vutyuunu vichi jmutyada

¹ Vuy jita jiryatij vanurya vuryintumu davyuy, vuryajachiniy vutyeryi diiryovedaju vuy, ne vuryajachipiya vinu vujcharaju. ² Vuryantya jachipiya nuñi tiquimusi, nutyuramusij vuryajchanatyaniñi vutyuunu vichi, nutyuramusij, samirya vichadaju, satidye vanutya jityuvachodamuyu. ³ Tapi Cristu jnyada jijye jacharaju, ne sunuyada jijecharaju day, darya nuchara niday saparutyadanchirya jiryatij suteda siva jijye:

Rajuumya rayncha variy rajuura daryaju riñique rañijyu vacha yavityiyeyadamu, jiryatij jiñijyu riñiquenyada daryantij.

⁴ Tapi titaju jiryatij sanutyadeda Judenu tarirya, rani jita vudyetyadaju nuchara day, ramusityidye vuryajachiniy tapimusivyuy, rani rajmutya vuy, vuñuma paruy variy riva vuyntuyada sajiju.

5-6 Jüdenü jita nity datyanusarara tapimusi yachideda, niquejadata jmutyada jarye, sama say jiryerya vatajuu jachipiyajada, jiryatiy vudyetya Jesucristumura, ramutiy jiryajachipiya jityojomuju variy, jiryatidye jchanatyajayasara jidchavu jachipiyajadatani Jüdenü, jiryatiy Vuyntyityu Jesucristu jadyeñi.

Rantyutyada racha titaju nijyanvajyu

7 Ramuniday daryatiy sadiryejada Cristu ntivyuy, daryaday vuryadirye varintyidyevyuy, ratidye jasay Jüdenuda rivasiy variy. 8 Tapi ratyuchu jiryiva, jiryatiy savichanuyada Cristu Judiyüveda jmutyi, vuryatidye datya variy sitenura saniquejada Jüdenü, jiryatiy sitotaniy Cristura Jüdenü niquejada rijyu, Judiyüveda munatyavay. 9 Jiryatimyü ne Judiyüveda daryi, riñi rajchanatyani Jüdenü varintyi, santyutyadiva, darya nüchara niday vumyunatyi Davyibe niquejada:

Ramuni rajchanatya nijyanvay parudamu ji, jiryatimyü ne Judiyüveda daryi, ramurray variy yityamu jchanatyadaju.

10 Jasidyentyirya nüchara junantyi:

Jiryantya jchanay, nijyanvajyuu, Jüdenü nijyanvajjsa.

11 Jasidyerya saniquejadantiy:

Jiryantya jchanatyani Vuyntyityu, nijyanvay, jiryantya murray sanijyu, vuryantya murray Vujyeñijyu nijyanvajyuu titaju.

12 Sabayajada Isayiasibe jadchiy sanijyuntiy:

Sadipuvay vumyunatyí Isayíbe jnutijyuumusiy nítíy ranubesumichara nijyanvajyuu nusuyasíjü, riryanutuchara sajíjü.

¹³ Vuryíndenu jíta nítíy datyadoda nutuyada vuy, sama muchanichara yichanayadata jiryé, samiy jachipiyajadata jaryé, jiryetyuvachodamu, jiryatídyé datya jaryivyajúra nutuyada, jiryatíy vuyntuchara vuryentyutyasada jíjü, jiryatíy Suntuta jivyanutyaniy vuyntuyadamu vuy.

Supajada Judenu tuchuní Pávurubay

¹⁴ Ray Pávuru, radyetya samirya jiryenchiy, jiryatíy ramuchanimya samirya jvaayada jiryedyé, ritoma jíta jiryedyetyada títajü, jiryedyetyanuma jidyírya datyadodajudáyu.
¹⁵⁻¹⁶ Rañuyasíy ranísadamu caterava jiryéjyú rate, ratídyé jachipityataniy jiryentyírya. Ramuní jiryínuy sasayada Judenu rivaayadajúra, ratídyé vicha Jesucrístu jmutyí rijyü, jiryatímyü ne Judíyüveda daryí. Ray jurenúmayara samituchoda, ratídyé jnutatya varíy Judenumujü ríy: Jívyetyí jíyü ríy, samívyéñuma jídyíya ríy, jíintyasavañuma títajü jíjyü varíríy, Yintumusíy.

¹⁷⁻¹⁹ Ramuní ríchanachara Jesucrístumusíy, Judenujsa jvaayadamusíy, tapi ne vanay ntate rañique ranchíy jiryatímyü ne sivaay Jesucrístu rimusíy, riryatídyé tuvachu nijyanvajyuu simu. Sivaayada jíta rimusíy rañiquejadata, rivaayadata jaryé, jiryatíy sivaay jivyanuyadatara mityamusíy datyadoda, títasara jaryé, Suntú vanuyadata yivaarya, daryasarajü jiryatíy ratyuchunumayamumyara samituchoda Crístunchíy, Jerusarímusíy, Idíricu mucadí

saraju. ²⁰ Darya jvaayadatani, ritotaniurya rañiruyada, ratidye tuchu ruuva, jasityimyuy ne rityuvachusara tara Crístunchiy didye, rañuma jvaay ratyeryi jvaayadanchara, jiryatij rundachara jita rivasiy Judenu siityarivajyu.

²¹ Daryatij ruteda nuchara:

Riryajnyuy, jasityi ne tara tuchusara sanchiy didye; rityimyuy ne tuvachu didyerya, riñi jita radatyara.

Sajachipiyajada Pávurubay jiyada Rómamuju

²² Jiryatij ratyuchururya samituchoda jasityimyuy ne rityuvachu didyerya, ramunijiy rachuruya rani, ramutimyuy ne rito variy jiryimu didye. ²³⁻²⁴ Diye jita jiryatij ne tarajnay vichajo nuday, jirya mucadimu rivaayadaju nuday, jadchintiy jiryatij ritoruñuyada rajuura nijyamusiyy jiryimu, ramuniday ranumatij jiya Espáña mucadimuju, raryamiryiruy riva Róma, ratidye diriyi variy jiryiva. Ranumatij riche taraqui jiryimu, vatajuu vuryajchanay variy, ravyata jiryajpa variy Espáña mucadimuju ray. ²⁵ Diye raya Jerusarimuju, ratidye jtura jmutyada Judíyuedaju. ²⁶ Tapi riñi jachipiyajada samirya Masedóniya mucadimu siityarivay, Acáya mucadimu siityarivay jarye risaju, riñi jachipiyajada samiryavidye riryajmutyata tarata riy jantyuyadavay, jiryatij Jerusarimu siityarivadyeryi. ²⁷ Rijechipiyajada samirya jiryatij ridyivyi daryaju riy. Ne jiryinyuy Jerusarimu vichavay Judíyueda jmutyada munatya riy, runtu jiyadaju, riñuma jita rajmutyata tarata varintyidyeryi. ²⁸ Rañi jtotarurya jirya

sachara Judíyuedamu, ruumusiy jiryatimyu ne Judíyueda daryi, jiryatij rajasachara samituchoda daryaju ramusiy. Rivasij jita raryamiryijadamu rajviriyi jiryimuntiy, jadchij jita rajiya variy Espáña mucadimuju. ²⁹ Varityi rajviriyi jiryimu, radyetya savichaniy Crístu jaryi samirya variy vujyu.

³⁰ Rayasantate jirye, ratyeryiveda, Vuyntyityu Jesucristumusiy, jiryantya jmutyajayasara Judenuva jachiñuyadata ray; jiryevyatadamusintiyi jiryatij savatataniy Judenu Jnutu rata vuy, ramusiy jiryantya jiyasanta jidchavu risani Judenu, rayadaju.

³¹ Jiryatuchu sisa Judenu satidye jantyuy riva riryajisij Judéya mucadimu vichavay, jiryatimyu ne siityevadyeryi. Jiryajachiñuy sivantiy, riryatidye jmutya siityarivay samirya jachityavarya jmutyada, jiryatij rajtota Jerusarimu vichavamyura. ³² Rajuntiy jiryajiyasantani Judenu, variñumatiy savatara, rajto richanayadamu jiryimu, rajiituryi variy jiryisa.

³³ Sacha Vuryindenu jiryisa, nitij sacharara samirya vichasada vujyu. ¡Darya rachajayasarate variy!

16

*Pávurubay muchuvatyaniryi rajuuvay
nijyanvanti*

¹ Ravyata jiryadatya nada Vébejyuy, vuryityamuty Crístumu. Nanuvicha Sencréyamu vichanuy, Judenu siityarivay jmutyanuy daryaju nada day. ² Jiryadirye samirya Vuyntyityumu

nada, jiryatij nuñi Judenu siityariḡvay daryaju vuy. Jiryantya jmuḡtya nadantidye, jasicharajuḡtij nanavātara, nuḡtyu nanimuḡtyada tarintyidyeryi rajuuḡvay nijyanvantiidye, rajerye.

³ Jiryamuchuvañada Príshcajuntiyi, nanuvanu Aquída jarye, jiryatij risa jvaañuy Jesucristumu daryaju nada. ⁴ Nada niḡday rañi jteda yadiiy rayadaju, nanantyuyada variy riva. Ne vinu ray jtaryuy nadiva: ¡Sanantyumya riva! Rijerye jtaryurya, Judenu siityariḡvajyuu jiryatimyu ne Judíyurveda daryi. ⁵ Jiryamuchuvantiyiri Judenu siityariḡvajyuuntiy, jiryatij rintyeryaniy nanurorimyuyu. Jiryamuchuvantiyiñi ravyatasí Epenétuntiy, niniday munatya Crístu siityarínu Ásiya mucadimu day. ⁶ Jiryamuchuvañada Maríyaju, tapi nadavitya jvaañuyada parucharimysiy vuryeyadaju. ⁷ Jiryamuchuvañi Antrúnicu, Júdyuta, raryenaju, jiryatij nanuvichanuyada tanuvunujovimu risa, runuyada nusubymiy samirya nanunachō. Nada jita tuvachoda simu Crístu rajisij. ⁸ Jiryamuchuvantiyiñi Jampiriyátuntiy, ravyatasí Vuyntyityumu daryajuni. ⁹ Daryaday jiryamuchuvantiyiñi Jurbánuntiy, vuryisa jvaañu Crístumu, ravyatasí Jistáqui jarye sisaju. ¹⁰ Jiryamuchuvañi Apéde, niniday samirya vadichí Crístumu. Jiryamuchvaryi Jaristóburu rorimyu vichavay. ¹¹ Jiryamuchuvañi raryena Jerudyánu. Jiryamuchuvantiyiri Marsísu rorimyu vichavantiyí, rityi tuvachusara simu Vuyntyityuntiy. ¹² Jiryamuchuvañada Trijénaju, Trijósaju nadisaju, jaryi jváaryúy Vuyntyityumu

daryaju nada. Jiryamuchuvañada Prísidyajuy jarye, jaryi vaťasanuy, jiryatiy nadivaañuy jaryi Vuyntyityumu. ¹³ Jiryamuchuvañi Rujínu, jiryatiy jaryi jaryetaši Crístumujuni, sunoda jarye, nuťyu rinoda řıtay daryaju nada. ¹⁴ Jiryamuchuaryi Jasícritu, Vurecúntiy jarye, Erímasiy, Patrúbasiy, Jermá, vuťyeryiveda jarye řıtaju jiryatiy rivyicha rusa. ¹⁵ Jiryamuchuaryi Jidorócovedantiy, Júďya, Nériyu jarye, řıťyamutu yisaju, Odímpa jarye, řıtaju jiryatiy rusa vichavaryi, jiintyasavay Jüdenuju řıtaju daryaju riy. ¹⁶ Jiryamuchuvay nuñi jirye Crıstu vaťadamuyu. Crıstu řıťyarıvajyuu řıtaju muchuvay jirye jirya caterava.

¹⁷ Rayasanta řıta jirye, ratyeryiveda, jiryajnutya samiy riryajisiyu, rityi datyanu řıdchaju datyadoda jiryatiy jiryedyetyara. Ridyetyadodata jivyichataniy tajiñechoju riy tavay, ne rijechipiya vatajuu variñuday. ¡Jiryajanumitye riryajisiy!
¹⁸ Ne ruvaaryuy Vuyntyityu Jesucristujsa nundy, vinu ridyirya nıřucharanuma yivaadye. Jadchintyi riquivuchunuma jiñiquejadata riy datyısamiy, taji niquejadata riquivuchu vaća vichadamuju riy. ¹⁹ Raticheñuma řıtaju jiryetyuvachoda, ramuni řıćhanay jiryenchiy; dañuma ravyata jiryeyu jiryatıdye vıćasıy datyavay samirya jvaayadaju, quivuyasa jachityavay jarye jiryecha, jiryenñuma jvaarya nicyaray. ²⁰ Vuryındenu řıta, nıťiy vichataniy samirya vuy, mityamusiy řıjvatyıñi Satanasıy vuryajisiy, vumećoma variy Satanasıy vuunuvajyu. Samirya řaća jiryeyu, Vuyntyityu Jesúsmsiy řaća samirya jiryeyu.

21 Samučuvay risa jvaañu Timutévu jirye, Dúsiyu, Jasú, Sosípatru jarye jiryatij raryenamidyeryi. 22 Ramyuchuvay Jesucristumu jirye, ray Térsiyu, jiryatij Pávuru nuťyaniy jirya catera jiryejyu ray. 23-24 Samučuvay Cáyu jirye, niťiy dirye jiryorimyu ray, sumuťyasarantiriyi Juđenu siityarivajyu jiyuntiy. Samučuvay Erástu jiryentyi, nińi vichasara vichada criquiy jnuťyi jiyu; vuťyeryi Cuvártu jarye mučuvay jiryentyi.

25-27 Diye racha vandate saju, niťiy datya vanuťyada radyetyadodata jirye, jiryatij ratyuchusara Jesucristunchirya samituchoda. Rajuura nijya saraju ravichasara dutyasara nijyanvayjisiy, diye jita vadicharanuma darya, Juđenuju tuchuvabe niquejadamu vadicharanuma darya, jiryatij nučhara darya. Junare vichi Juđenu jtedamusiy jita racha datyasara titaju nijyanvajuuju, riryatidye tuvachu variy ramu. ¡Jiñu Juđenu, vinu ni vichasara datyara, sanijyu jita rachajayasarate vandate, Jesucristumusiy taarye! ¡Darya rachajayasara junareju titaju!

Sayanuma Pávuru

Judenu jto nijyanvamyu New Testament in Yagua (PE:yad:Yagua)

copyright © 2008 Wycliffe Bible Translators, Inc.

Language: Yagua

Translation by: Wycliffe Bible Translators, Inc.

Yagua [yad], Peru

Copyright Information

© 2008, Bible League International. All rights reserved.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

The New Testament

in Yagua

© 2008, Wycliffe Bible Translators, Inc. All rights reserved.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-04-30

PDF generated using Haiola and XeLaTeX on 22 Feb 2024 from source files
dated 29 Jan 2022

741209ce-3bea-5617-a721-dc112d0873cd